



„ჩინგური საცაბეთელა, სიმუბი ჩუნ ვაბთ ყვლაბ“

კოლხეთი

გამოდის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2021 წელი • №13-14 (9507-9508) • 1-31 ივლისი • ფასი 1 ლარი

სენაკმა რეგიონალური თეატრების საერთაშორისო ფესტივალს უმასპინძლა ოთხნობიანი ინტერვალის შემდეგ სენაკის თეატრი გაიხსნა



კულტურული მემკვიდრეობის ძეგლი, სენაკის აკაკი ხორავას სახელობის სახელმწიფო დრამატული თეატრი იშვიათი არქიტექტურითა და უნიკალური მხატვრობით ყველას აღფრთოვანებას იწვევს. თეატრის რეკონსტრუქცია ფონდი „ქართუს“ დაფინანსებით განხორციელდა. პროექტის ღირებულებამ 10 მილიონი ლარი შეადგინა.



22 ივლისს თეატრი ფრანგი მწერლის, ერიკ ემანუელ შმიტის პიესის მიხედვით შექმნილი სპექტაკლით „სასტუმრო ორი სამყაროს გასაყარზე“, გაიხსნა.

სპექტაკლი გამორჩეული იყო იმიტაც, რომ მასში მონაწილეობა მიიღეს, სენაკის მუნიციპალიტეტის მკვიდრებმა, სენაკის საპატიო მოქალაქეებმა, რუსთაველის ეროვნული თეატრის უნიჭიერებმა მსახიობებმა ნანა ფაჩუაშვილმა და მურმან ჯინორიამ, სპექტაკლში მონაწილეობდნენ სენაკის აკ. ხორავას სახელობის სახელმწიფო თეატრის მსახიობი თამარ აბშილაძე, ფოთის ვალერიან გუნიას პროფესიული სახელმწიფო თეატრის მსახიობი ჯანო იზორია, სოხუმის სახლმწიფო მოზარდმყურებელთა თეატრის მსახიობი მარიამ კალატოზიშვილი.



შემდეგ დამსწრე საზოგადოებას, სტუმრებს შესაძლებლობა ჰქონდათ ფართო ეკრანზე გაცნობოდნენ სენაკის თეატრის ისტორიას. ნაჩვენები იქნა დოკუმენტური მასალა, რომელიც შეეხებოდა სენაკის თეატრის მიერ განვლილ გზას 1881 წლის თებერვალში გამართული პირველი წარმოდგენიდან დღემდე. ეკრანზე ერთმანეთს ენაცვლებოდა მოსკოვში გასტროლების ამსახველი კადრები, ნაწყვეტები სპექტაკლებიდან, 1990 წელს ცნობილი თეატრალის სტუმრობა სენაკში (როცა თეატრმა კვლავ დაიბრუნა სახელმწიფო სტატუსი), 2008 წლის აგვისტოს უმძიმესი მოვლენების ამსახველი ფოტომასალები, რესტავრაციის შედეგად დაბრუნებული თეატრის უნიკალური იერ-სახის ამსახველი კოლაჟი.



დოკუმენტურ მასალას ახმოვანებდა სენაკის თეატრის მსახიობი თენგიზ თოფურიძე.

შემდეგ თეატრის სამხატვრო ხელმძღვანელმა ირაკლი ადამიამ, სენაკელებს მიულოცა თეატრის გახსნა. მადლობა გადაუხადა კულტურული მემკვიდრეობის დაცვის სააგენტოს, საქველმოქმედო ფონდ „ქართუს“ შესრულებული უზარმაზარი სამუშაოებისათვის.



საქართველოს კულტურის, სპორტისა და ახალგაზრდობის მინისტრი თეა წულუკიანი მიესალმა რეგიონალური თეატრების საერთაშორისო ფესტივალის მონაწილეებს. მადლობა გადაუხადა ფონდ „ქართუს“, ბატონ ბიძინა ივანიშვილს და მის ოჯახს იმ ფინანსური და მორალური მხარდაჭერისთვის, რაც მათ რეგიონის თეატრების მატერიალურ-ტექნიკური ბაზის აღორძინებისთვის გააკეთეს.

სენაკის საზოგადოებას, თეატრის გახსნა მიულოცა სენაკის მკვიდრმა მწერალმა და დრამატურგმა გურამ ბათიაშვილმა.


სენაკის მუნიციპალიტეტის მერმა ლევან კუპრეიშვილმა მადლობა გადაუხადა ფესტივალის ორგანიზატორებს. აღნიშნა, რომ სენაკში მეორედ იმართება რეგიონალური თეატრების საერთაშორისო ფესტივალი, რაც დიდი პატივია სენაკის საზოგადოებისათვის. ეს ორმაგად სასიხარულოა, რადგან ჩვენი თეატრი განახლებულ, რეგიონალურ ტიპის შენობაში ხვდება ხელოვნების დღესასწაულს.

რეგიონალური თეატრების საერთაშორისო ფესტივალის მნიშვნელობაზე ისაუბრა ფესტივალის ხელმძღვანელმა ნინელი ჭანკვეტაძემ, მან მადლობა გადაუხადა სენაკის მუნიციპალიტეტის მერს თანადგომისათვის, მერიის კულტურის სამსახურის მუშაკებს, თეატრის ადმინისტრაციას და ღონისძიების თითოეულ მონაწილეს ნამდვილ თეატრალურ დღესასწაულში წვლილის შეტანისათვის.

საქართველოს თეატრალური საზოგადოების თავმჯდომარემ გიორგი გეგეჭკორმა დამსწრეთ გააცნო გადანწყვეტილება, რომლის მიხედვითაც აკაკი ხორავას სახელობის პრემია გადაეცათ ქართული თეატრალური საზოგადოების თვალსაჩინო წარმომადგენლებს -- კოტე მარჯანიშვილის სახელობის პრემიის ლაურეატს, კოტე მახარაძის სახელობის ტიტულის მფლობელს მურმან ჯინორიას და ოზურგეთის ალ. წულუწავას სახელობის პროფესიული სახელმწიფო დრამატული თეატრის მსახიობს გაბრიელ მდინარაძეს. გივი სარჩიმელიძის სახელობის ჯილდო გადაეცა საქართველოს თეატრალური საზოგადოების იმერეთის ორგანიზაციის სახელობის თავმჯდომარეს ლევან როხვაძეს.

„ამაგდარის“ წოდება მიენიჭათ აკაკი ხორავას სახელობის პროფესიული სახელმწიფო დრამატული თეატრის მსახი-

(გაგრძელება მეორე გვერდზე)



სენაკმა რეგიონალური თეატრების საერთაშორისო ფესტივალს უმასპინძლა ოთხნობიანი ინტერვალის შემდეგ სენაკის თეატრი გაიხსნა



(გაგრძელება)

ობებს: გიორგი(ფორა) დამენიას, გულნარა ლოხიშვილს, თენგიზ თოფურაძეს, ტენიკურ რეჟისორს მაია ფირცხელავას. სალომე ყანჩელის სახელობის ვიდეო გადაცემა მსახიობ თამარ აბშილაძეს.

19 საათზე ნოქალაქის ციხე-ქალაქში მესხეთის (ახალციხის) პროფესიული სახელმწიფო დრამატული თეატრის დასმა, ფესტივალის სპექტაკლით ვაჟა ფშაველას „სტუმარ-მასპინძელი“ გახსნა.

მსახიობებმა მაღალპროფესიულად გააცოცხლეს მაცურებლის თვალწინ „ღამის წყვდიადში ჩაფლული ქისტეთის მიდამო“, ზვიადურისა და ჯოყოლას შეყრა, ზნეობრივი არჩევანის წინაშე მდგარი ჯოყოლა, ერთმანეთს დაპირისპირებული ორი მხარე, სტუმარ-მასპინძლობის წესის დამრღვევი თემი, ალაზას სულიერი რყევა და ბოლოს გამოიკვეთა ნაწარმოების მთავარი სათქმელი „როგორ იბრძოლეს და რას შეეწინააღმდეგა გმირები“.

ახალგაზრდა მსახიობებით დაკომპლექტებულმა თეატრის დასმა შთამბეჭდავი შესრულებით დაამახსოვრა თავი მაცურებელს. თეატრის სამხატვრო ხელმძღვანელი, საქართველოს დამსახურებული არტისტი ლია სულუაშვილი, რეჟისორი იოანე ხუციშვილი, მუსიკალური გამგებელი გიორგი ჯიქია. ახალციხის თეატრის სამხატვრო ხელმძღვანელმა ლია სულუაშვილმა აღნიშნა, რომ ნოქალაქელებში სწორედ ვაჟას ნაწარმოების შესაბამისი გარემო დახვდა: ციხე-გოჯი, გალავნები, ეგზოტიკური მთები, უძველესი მართლმადიდებლური ტაძარი, აქაფებული მდინარე – ეს გასაოცარი მოტივაცია აღმოჩნდა ვაჟას გმირების გასაცოცხლებლად.

თეატრის გახსნას და დაგეგმილ ღონისძიებებს, საქართველოს კულტურის, სპორტის და ახალგაზრდობის მინისტრთან თე

ნულუკიანთან ერთად ესწრებოდნენ სამეგრელო-ზემო სვანეთის სახელმწიფო რწმუნებულის პირველი მოადგილე ნინო ვიბლიანი, მოადგილეები დავით ვერავა, ლუდუკი ხასია, სენაკის მუნიციპალიტეტის მერი ლევან კუპრეიშვილი, პირველი მოადგილე გრიგოლ ბალათურია, მუნიციპალიტეტის საკრებულოს დეპუტატები, რეგიონალური თეატრების სამხატვრო ხელმძღვანელები, საქართველოს თეატრალური საზოგადოების ცნობილი სახეები, რესპუბლიკური და რეგიონალური მედია საშუალებების ჟურნალისტები.

23 ივლისს ფესტივალის სენაკის თეატრის სპექტაკლით „ქურდის ქურდი“ გაგრძელდა. (დარით ფო-ს „ძარცვა იტალიურად, ქურდის ქურდი ცხონდა“-ს მიხედვით) მონაწილეობდნენ აკაკი ხორავას სახელობის პროფესიული სახელმწიფო დრამატული თეატრის მსახიობები: თამარ აბშილაძე, ლადო კოკია, ინგა ცირამუა, ზურაბ ზურაბაშვილი, ლალი გაბელაია, ვეფხვია გორგოძე. რეჟისორი და მუსიკალური გამგებელი კახა გოგიძე, მხატვარი ლელა ფერაძე, მხატვარ-შემსრულებლები ემილ გეგენავა, მალხაზ კორთხოჯია, ტექნიკური რეჟისორი მაია ფირცხელავა. თეატრის სამხატვრო ხელმძღვანელი ირაკლი ადამია, დირექტორი მამუკა ბარქაია. სპექტაკლს დიდი მონონება ხვდა წილად.

ფესტივალის კრძელებმა, დანარჩენ სპექტაკლებზე ინფორმაციას მოგაწვდით შემდეგ ნომერში. რედაქციის სახელით ვულოცავთ ჩვენს სახელოვან თეატრალებს, მთელ საზოგადოებას თეატრის გახსნას, ვუსურვებთ წარმატებულ პროფესიულ საქმიანობას, ბევრ მაცურებელს და ზღვა ოვაციას.

მედეა ბალათურია



წარსულის ფაქტები

მე-19 საუკუნის 80-იან წლებში დაბა ახალსენაკის სწრაფ განვითარებას ხელი შეუწყო თბილისი-ფოთის სარკინიგზო ხაზისა და რკინიგზის სადგურის მშენებლობის განვითარებამ.

ქართული თეატრის დარსებიდან ორიოდე წლის შემდეგ 1881 წლის 20 თებერვალს, ადგილობრივი ძალებით დაბა ახალსენაკში გაიმართა პირველი წარმოდგენა, ნაჩვენები იქნა მოლიერის „ძალად ექიმი“, იმ დღიდან დაბაში სისტემატიურად იმართებოდა წარმოდგენები, რის შესახებაც წერდა იმ პერიოდის ცენტრალური გაზეთი „დროება“.

1895 წელს ახალსენაკის რკინიგზის სადგურის უფროსად ინიშნება, ცნობილი დრამატურგი, აქესენტი ცაგარელი. მან და მისმა მეუღლემ ნატო გაბუნია – ცაგარელმა დიდი წვლილი შეიტანეს დაბის თეატრალურ ცხოვრებაში.

სცენის მოყვარეთა კოლექტივს უძღვებოდა ი. მიქელაძე. თავიდან წარმოდგენები იმართებოდა თავადების: ფარნაოზის, ბესარიონისა და დიმიკო მხეიძეების ოჯახებში.

1902 წელს დასისთვის გამოიყო შენობა და შესაძლებელი გახდა საქართველოს სხვადასხვა ქალაქებიდან ჩამოსული თეატრების გასტროლების გამართვა. ახალსენაკს ბევრჯერ სწვევია გამოჩენილი მსახიობები: ლადო მესხიშვილი, ვასო აბაშიძე, მაკო საფაროვა – აბაშიძე, ვალერიან გუნია, შალვა დადიანი, ნუცა მხეიძე და სხვა. 1912 წლიდან ადგილობრივ დრამატულ დასში გამოჩნდნენ ნიჭიერი ახალგაზრდები: აკ. ხორავა, ჯ. ღვამიჩავა, გ. ჯაკობია და სხვა. მათი მონაწილეობით სენაკელმა მაცურებელმა ნახა გ. ერისთავის პიესა „სამშობლო“.

1918 წელს დაიდგა ალ. სუმბათაშვილის პიესა „ლალატი“, სადაც ოთარბეგის როლი პირველად განასახიერა აკაკი ხორავამ, ახალგაზრდა სცენის მოყვარემ ადფრთოვანებაში მოიყვანა მაცურებელი.

დამსახურებული მოღვაწე შალვა მჟავანაძე, ხოლო 1945-1949 წლებში კი გოგი ლომია. 1949 წელს სენაკის სახელმწიფო თეატრი ლიკვიდირებულ იქნა. 1959-1990 წლამდე ფუნქციონირებდა სახალხო თეატრი. 1959-1978 წლებში თეატრის ხელმძღვანელი იყო რეჟისორი, რესპუბლიკის დამსახურებული არტისტი კარლო კალანდაძე. 1968 წელს სენაკის სახალხო თეატრი მონაწილეობდა მოსკოვის საკავშირო თეატრალურ ფესტივალზე, კრემლის თეატრის სცენაზე ნაჩვენები იქნა მურმან ხუნწარიას პიესა „ტეხურის პირას“, რომლის რეჟისორ-კონსულტანტი გახლდათ საბჭოთა კავშირის სახალხო პრემიის ლაურეატი, ბატონი გიგა ლორთქიფანიძე, რეჟისორი კარლო კალანდაძე, სპექტაკლმა წარმატებით ჩაიარა: საკავშირო ფესტივალის საპატიო ნოდების, ოქროს მედლითა და პირველი ხარისხის დიპლომებით დაჯილდოვდნენ რეჟისორი კარლო კალანდაძე, მხატვარი დიმიტრი ბარქაია. მსახიობები: ნორა დადიანი, გული ჯავახია, ბოჩია არჩაია, შოთა შარვაძე, პანტელეიმონ ბოჯგუა; სიმფონიური ორკესტრის დირიჟორი ლეონტი ჩიხლაძე.

1990 წელს სენაკში, 40 წლის შემდეგ კვლავ აღდგა სახელმწიფო თეატრი, რომლის პირველი რეჟისორი და სამხატვრო ხელმძღვანელი იყო დავით ხინიკაძე, დირექტორი – ხელოვნების დამსახურებული მოღვაწე ვახტანგ სალაყაია. განახლებული თეატრის პირველი სეზონი გაიხსნა 1991 წლის 10 ივლისს დრამატურგ ვ. კანდელაკის პიესით „დრო 24 საათი“ (დამდგმელი რეჟისორი – დ. ხინიკაძე, მხატვარი – ლ. მანთიძე).

2008 წლის ცნობილი მოვლენების დროს დაიბოძა თეატრი და საგრძნობლად დაზიანდა.

2016 წელს „ქართუ ბანკმა“ დაიწყო თეატრის შენობის სრული რეაბილიტაცია, რომელიც დამთავრდა 2021 წელს.

სენაკში თეატრის არსებობიდან დღემდე 140 წელი გავიდა. ამ დროის მანძილზე ბევრი წარმატებაც ყოფილა და წარუმატებლობაც, სიხარულიც და იმედგაცრუებაც, მაგრამ უკეთესი მომავლის რწმენა არასოდეს დაუკარგავს. თეატრი ცოცხლობს, ეძებს – წინ დიდი გზებია.

მ. ლიფონავა



მწვადიურში (ორი თავი ჩანაწერების წიგნიდან „სახეები და სიტყვები“)

განა მხოლოდ თბილისში, ისრაელშიც არის მწვადიურის („Sifudim“). ისევე როგორც დილო-მისას, არც ამ მწვადიურს აკლია მიმსვლელ-სტუმარი. ქალაქ ხოლონიდან გასასვლელში, ვიდრე თელ-ავივის ლაბორინთებში გახვდეთ, ერთი მალღივი კორპუსის პირველ სართულზე შუა აზიდან ჩამოსულ ენ. „ბუხარელ ებრაელს“ გაუხსნია ეს „შიფუდი“ და ბედს არ უნდა ემდუროდეს. ასეთი მწვადიური კიდევ სამი ჰქონია და მიმსვლელ-სტუმარი არ ილევად გაემოყურება, არც ნაბიჯი ერევა, არც სიტყვა ემღებება. ჯანიც შესწევს და არც ცხოვრების ხალისი აკლია. მორდები სენაკში ჩვენი მეზობელი იყო. გვენათესავება კიდევ: მერე თბილისში გადმოსახლდა. დაბეჯითებით ვერ ვიტყვი თბილისში როგორ უფრო იყო ცნობილი: როგორც კარგი მომღებელი და მომღერალი, თუ როგორც შეჭრებულთა ხელის გამმართავი. იმ დღეს, „მწვადიურში“ გამოცა მისმა მეხსიერებამ--დავსხუდი და არაბული სუნელებით შეზავებული „ზაკუსკა“ მოგვართვის თუ არა, შოთა გორგოძე გაიხსენა:

--რა კაცი იყო--პატისონებითა და ადამიანის სიყვარულით განათებული სული ედგა. მინისტრი იყო და კაცს რომ ციხეში სვამდა, ძალიან განიცდიდა. ცხრა აპრილის დილას ხალხის გვერდით დადგა-- თანამდებობის შენარჩუნებაზე კი არ უფიქრია, ის კი არ ანუხებდა, იქ, ზემოთ, რას მეტყვიანო, თავისი ხალხის მდგომარეობა უწინავდა ნერვებს. მე ილიკო, მოშიაშვილი გაიხსენე, ამ დღეებში მისი მეუღლე--ლიანა სეფიაშვილი აღესრულა. შვილებმა გამოაცხადეს კორონა მოჭინვარება--სამძიმარზე, გასვენებაზე სუ მოხვალთ, ტელეფონით შეგვეხიანეთო. რომ არა ლიანას გულითადი თანადგომა, ილიკო საქართველოში ვერც ამდენ პროექტს განახორციელებდა, ვერც ბაზალეთის ტბის პირას დიდებულ და სასცენო კომპლექსს წამომართავდა-მეთქი. და შეეყვით მოლონებებს: იუდეველთა სახელმწიფოს გულის გულში ვისხედით ეს სამი ხანმოკლე „ჰურიანი ქართველთა“ და ცოცხალ, თუ გარდაცვლილ ქართველთ, იუდეველთ ვიგონებდით: მორდებმა ჯუმბერ პატი-აშვილი ხომ არის ცოცხალი, ქალაქში ქვეყანაში თუ ჩანსო. როგორ არა, ამასწინათ როინ მეტრეველის 80 წლის იუბილეზე ვნახე-მეთქი. მერე შალვა გორედაშვილი და რაფო ჩანანაშვილი ახსენა. მეც კარგად მახსოვს ეს ღირსეული კაცები--სხვათა ხელის გამმართავნი და დამფასებელნი. მათი კარგი საქმეებიც მახსოვს: დიდებული თვისება ჰქონდათ ამ ჩვენს „ცხვავიკებსა და „მალაზიონერებს“(მაშინ ასე ეძახდნენ): კაცს, რომელიც მათნარად არ იყო ჩაბმული შემოსავლიან საქმიანობაში და ხელფასით ეწეოდა ცხოვრების ჭაბანს, თუ რამ ქვეყნისთვის სასიკეთო გარჯას შეამჩნევდნენ, მეცნიერებას გახლდათ შეჭიდებული, თუ შე-მოქმედებით პროცესში იყო ჩართული, ხელს უმართავდნენ, ცდილობდნენ სიღუფტით არ ეგრძნოთ. აქედან გამომდინარე, მათი მთავარი ღირსება ფინანსური ძლიერება--ბევრი ცხოვრი კი არ იყო, საზოგადო ინტერესების ცხოვ-

საქართველოს ხელოვნების დამსახურებულ მოღვაწეს, მთარგმნელს, დრამატურგს, მწერალს, საქართველოში მოქმედ არაერთი ცნობილი ჟურნალისა და გაზეთის რედაქტორს, სახელმწიფო პრემიის ლაურეატს, სენაკის საპატიო მოქალაქეს ბატონ გურამ ბათიაშვილს წარდგენა არ სჭირდება სენაკელი მკითხველის წინაშე. მან, სრულიად ახალგაზრდამ, თავისი პირველი ნაწარმოებები გაზეთ „კოლხეთში“ დაბეჭდა.

სენაკის ისტორია ფერუცველად ინახავს ქართველი და ებრაელი ხალხის თანაცხოვრების მრავალმხრივ დეტალებს. სენაკელმა ებრაელებმა სითბო, სიხარული, თანაგრძნობა, თანადგომა გვინილადეს, ჩვენს გვერდით იყვნენ ჭირსა თუ ლხინში.

ვფიქრობ, მკითხველებისათვის საინტერესო იქნება ბატონ გურამ ბათიაშვილის ჩანაწერების გაცნობა წიგნიდან „სახეები და სიტყვები“, რომელიც ერთგვარად გვამოგზაურებს წარსულში და გავგახსენებს ცისკრით ნაფენ ფერადოვნებას -- რასაც ქართველთა და ებრაელთა 26 საუკუნოვანი მეგობრობა ჰქვია.

რება, მეგობართა წრეში უშურველობა.

--სიმონ ჯანაშვილი?--კითხულობს შოთა--ისიც ხომ...

მუდამ მომღიმარი კაცი იყო სიმონ ჯანაშვილი--პირბადრი და კეთილად მომკითხავი.

--პურმარლის, მოლხენის დიდად მოყვარული--დასძენს მორდები.

--კარლო?

--აბა, კარლო?

--ზონენაშვილი. რა ბიჭი იყო!

კარლოზე ვსაუბრობ, მისი და მისი ქალიშვილის-- ნაადრევ გაცნობაზე წუთისოფლიდან.

მწვადები მზად არის და ნაიღეთო, გვეძახიან. შოთას მწვადები მოაქვს. სხვადასხვანაირია

--ამის გარდა, ყველა მწვადია, ეს ქაბაბია--გვაცნობს შოთა.

მწვადებმა მოგონებებს გზა გადაუღობა, მაგრამ წარსულის სურათები იმდენად ძლიერ აღბეჭდილა სულში, ცოტა ხანში მორდები კვლავ მას უბრუნდება:

--ერთხელ სენაკში ხახამ ბენციონმა მითხრა, ჩემთან სახლში მოდიო „შენ კარგი ხმა გაქვს და კარგადაც მღერი. ადამიანების სიმღერით ტკბობა კი დიდი მადლია. ახლა მე ერთ სიმღერას გასწავლი--იერუსალიმის მოტივევი გასწავლი და ასე უნდა იმღერო, არ გადაუხვიო. მასწავლა. მას შემდეგ თითქმის სამოცდაათი წელიწადია. ისე ვმღერი, როგორც მასწავლა.

ხახამ ბენციონ ფერმაშვილი--დინჯი, აუჩქარებული მოძრაობის კაცი-- მეც კარგად მახსოვს. მის შემყურეს ისეთი გრძობა მეუფლებოდა, თითქოს ჩემს სულში იმზირებოდა, ჩემს ფიქრებს ათვალერებდა. ამბობდნენ, წინასწარმეტყველური ნიჭით არისო დაჯილდოებული--მომავლის ამომცნობი კაციაო. წინა საუკუნის ოცინა წლებში ახალგაზრდა სასულიერო მოღვაწე იყო. იერუსალიმიდან საქართველოში გამოგზავნეს, რამდენიმე წელიწადი დარჩი, ჩვენს ძმებს ებრაელების რწმენა განუმტკიცეო. ვეღარ დაბრუნდა-- ბოლშევიკებმა საზღვრები ჩაქვეს და დარჩა საქართველოში--სენაკში გაატარა მთელი თავისი დარჩენილი ცხოვრება.. პატარა ბიჭი ვიყავი--თავის სახლში გამგზავნა. მეუღლემ ქართული არ იცოდა--ძლივს გავაგებინე, რაც რაბიმ დამაბარა.

--სენაკის თეატრს ბოჯეტი ისევ არა აქვს, ხომ?--მეკითხება მორდები--თქვენ პატარები ხართ და არ მოსწრებინართ. რომ იცოდეთ, რა თეატრი იყო, რა მსახიობები!

შევარდნადის დროს სახელმწიფო თეატრად გადაკეთდა და ფინანსდება კიდევ--მეთქი, ვამბობ მე.

--შენობა? ამხელა შენობას რა მოუვლის!-- არ ისვენებს მორდები--კაი ხნისაა. ალბათ, იფუნევა სულ!

--ივანიშვილმა საქართველოს ყველა თეატრს მოუარა. ყველა თეატრი ისე განახლდა, აუ თვალს არ ენახებოდა, სენაკის თეატრის რეკონსტრუქციაც სადაცაა დამთავრდება!

-- კაი მოგცეს ღმერთმა, კაი რამე შენ მითხარი--გული გამიხალისდა!--მასუსობს მორდები და დაუყოვნებლივ მეკითხება: მერე? რას შერებინა არტისტები--ვარჯიან რამე?

--რა ვიცი, რა გითხრათ. ამ რამდენიმე წლის წინათ ჩემი პიესა დაიდგა მაგ თეატრში, ჩავედი. ვარგოდა, რატომაც არა!--ვამბობ და ვხედავ როგორ უნათდება მზერა მორდებსაც და შოთასაც.

--ვეკვ, რო იცოდეთ, რა ბიჭები დადიოდნენ მაგ ქალაქში!--სინაწული ამბობს მორდები.

--სენაკში დღეს დათო ვახანას სახელობის ქუჩა რომ არის, ის თუ გაიგეთ?--კითხულობს შოთა.

--დათო ვახანა?--ვერ ვიგონებ-- მე სკოლა დავამთავრე თუ არა, უნივერსიტეტში ჩავირიცხე. სენაკში მხოლოდ არდადეგებზე ჩავდიოდი და გული ზღვისკენ მიმიწვდა. შოთა კი პოლიტექნიკურში დაუსწრებელზე სწავლობდა, სენაკში კარგა ხანს იყო და უკეთ იცის. დაუყოვნებლივ მასუსობს;

--ექიმი რომ იყო, როგორ არ გახსოვს!

--ჰო, კი, გამახსენდა.

--მაგარი ბიჭი იყო--განათლებული, წესიერი და კარგი ექიმიც!--დასძენს მორდები--კი, ბატონო, მაგარი ბიჭები დადიოდნენ მაგ ქალაქში!

--თეატრში დადგმული ჩემი პიესის სანახავად რომ ჩავედი, ნაცნობები ვერ ვნახე. ერთადერთი ბავშვობისდროინდელი კაცი მელსი გრიგოლია იყო--სბექტაკლზე მოსულა.

--როგორ არი მელსი, რაფერ გამოიყურება?--მეკითხება შოთა.

--ნორმალურად, რა უჭირს. ეგ ხომ ძმებში უმცროსია.

--რას ამბობ, უმცროსი კოტე იყო. რა ღიმილი ჰქონდა, გახსოვთ?

--ის თუ იცით, მელსი რას ნიშნავს?--კითხულობს მორდები. შოთამ და მე ერთმანეთს გადავხედეთ. „რას უნდა ნიშნავდეს. ჩვეულებრივი სახელია“ ჩავილაპარაკე.

--მელსი წინა საუკუნის 30-იან წლებში დაბადებულია. მაშინ ასეთი ამბავი ხშირად იყო: მარქსი, ენგელსი, ლენინი, სტალინი. ბელადების სახელების პირველი ასოები.

--კარგი, შენ ეს მითხარი-- ის შენი მეგობარი როგორ არი--რა ერქვა? ჰო, ელიზბარო... გვარი გამახსენე.

--ჯაველიძე?

--ჰო ელიზბარ ჯაველიძე! სულ ჩხუბისკენ მიიწვდა, მაგრამ ძალიან კარგი გულის ბიჭი იყო. ხომ არი?

--კი როგორ არა! ეგ ბიჭი, სულ რომ საჩხუბრად რომ მიიწვდა, დღეს აკადემიკოსია და ერთ-ერთი გამორჩენილი მეცნიერი.

მორდებმა ქაბაბი დანიტ გადაჭრა, ჩანგალი ჩაარჭო და იკითხა:

--აბა, ახლა ამნარი ამბავი: ხომ ხართ თქვენ სენაკელები, ხომ იქ გაიზარდეთ. მე სუჯუნაში დავიბადე, მაგრამ სენაკელად ვთვლი თავს--ბიჭობა იქ გავატარე. ერთი რამ მინდა ვიკითხო და მიპასუხეთ. სამივემ გავცეთ პასუხი ამ კითხვას--მორდებმა ქაბაბი აიღო, აუჩქრებულად ღეჭვს, ან რა ღეჭვა ამას უნდა, პირში ჩადებისთანავე ლამის დნება--კითხვის დასმას არ ჩქარაობს.

-- რა არი ამნარი, რას გვეკითხები!

--ჩვენი დროის სენაკის მეგრელებიდან ცუდი ბიჭი--ავი და უვარგისი რომელი იყო--ვლახად რომელი დაგამახსოვრდა?

ამ შეკითხვაზე ღიმილი მოგვევარა.

--ჰო, რა იყო-- უბედურ და გაუტანელ კაცად რომელი შემორჩა მეხსიერებას--ალბათ ხართ ბაღები და კი უნდა იცოდეთ!

მე, ალბათ, შოთაც, გონების თვალთ ჩვენი მშობლიური ქალაქის სკოლებს, ქუჩებს, პარკებს, ბიბლიოთეკას ვათვალერებდით--იმ ადგილებს, სადაც დროის უმეტეს ნაწილს ვატარებდით და ის ადამიანები დავიგდებთ თვალწინ, ვისაც ხშირად ვხვდებოდით. ვერაფერი მოვიგონეთ. შოთას გადავხედე. ფიქრში ჩაფლულიყო. ღუმელი კარგა ხნის შემდეგ ისევ მორდებმა დაარღვია:

--ვერავინ გაიხსენეთ, ხომ? კარგი! ახლა სხვა რამე შეგეკითხებით: სონე ისრაელი? სონე ისრაელი თუ გახსოვთ ვინმე?--ჩაგვეკითხა ჩვენი პასუხის ლოდინით დალილი მორდები.

„სონე ისრაელი!“ ასე იტყვიან ებრაელთა მოქალაქე კაცზე, ადამიანზე, რომელიც ამათუი მიზნითა, თუ სრულიად უმიზნოდ, ებრაელობისადმი მტრულად არის განწყობილი.

ირველივე ადამიანები ფუსფუსებენ, დროდადრო რაღაცას შესძახებენ, აქ, ამ კუთხეში კი, რომელშიც სუფრას სამეგრელოდან წამოსული სამი სენაკელი იუდეველი მისხდომია, ღუმელი გამეფებულია. თითქოს მწვადების დასაკემოვნებლად კი არა, აქ იმისთვის მოსულან, ამ ტაბლასთან იმისთვის ჩამომსხდარან, იმას უყურონ, თუ როგორი ოხმივარი ასდის მწვად-ქაბაბს.

--ტყუილად ინუხებთ თავს, ვერ მოიგონებთ. ნუხელი სენაკზე ვფიქრობდი, სენაკელებზე და ვერაფერი ისეთი ვერ მოვიგონე.

ირველივე ადამიანები ისევ ფუსფუსებდნენ. მიდიოდნენ, მოდიოდნენ და არავის წარმოადგენაც კი არ ჰქონდა იმაზე, ერთ ტაბლასთან მჯდომი ეს სამი კაცი „მწვადიურში“ ასე ფიქრორულად რატომ იყო.

ან საიდან უნდა სცოდნოდათ?

2006.

მეგრული სიმღერა

2003 წლის 22 იანვარს იერუსალიმში თავი მოიყარა მსოფლიოს ლამის ყველა კუთხეში მცხოვრებმა ქართველ ებრაელთა წარმომადგენლობამ. აქ, ისრაელის ერთ-ერთ უმთავრეს დარბაზში, „ბინიანი შაუმაში“ -- „ერების სასახლეში“, იქმნებოდა საქართველოს ებრაელთა მსოფლიო კონგრესი. საბჭოთა კავშირის ერთ პატარა, მშვენიერ რესპუბლიკაში -- საქართველოში მცხოვრები ებრაელები 20 წლის წინათ, მსოფლიოს მრავალ ქვეყანაში მიმოიფანტნენ. დღეს ქართველი ებრაელები ცხოვრობენ ისრაელში (ყველაზე მეტი), აშშ-ში, რუსეთში, ბელგიაში, უნგრეთში, ესპანეთში, ავსტრიაში, ამბობენ ავსტრალიაშიცო და ცხადია, საქართველოში (ძალიან ცოტა). ამ ადამიანებმა ერთ ჭერქვეშ რომ იგრძნონ თავი, ამ მიმოფანტული ეთნოსის გაერთიანებისათვის იქმნებოდა საქართველოს ებრაელთა მსოფლიო კონგრესი: შესაძლოა, ჩვენ სხვადასხვა კონტინენტებზე ვცხოვრობდეთ, მაგრამ მამა-პაპური ტრადიციების შენახვის სურვილი კვლავაც გვაერთიანებდა.

ყრილობაზე კონგრესის პრეზიდენტად აირჩიეს მოშე (მიშიკო) მირილაშვილი. კაცი ერთობ საამო და იმერული ზრდილობით დამშვენებული, თანათავმჯდომარეებად: შვეიცარიაში მოღვაწე მეცნიერი, პროფესორი შალვა მარდი--მარდახაშვილი ქუთაისიდან წასული კაცი, ქ. აშქელონის ვიცე-მერი შაბთაი ცურვი-ცოცი-აშვილი, ვანიდან წასული კაცი და მე--თქვენი მონა-მორჩილი.

სალამოს დიდი კონცერტიც გაიმართა, მოხრძანდა ისრაელის პრემიერ-მინისტრი არიელ შარონი, მოგვილოცა. მერე შალვა მარდი, ისრაელის ქართული ტელევიზიის რეჟისორი სოსო იოსებაშვილი და მე იერუსალიმის ტელევიზიაში მიგვიწვიეს. აქვე ჩვენი მოუვარ-სკვლავი ვახტანგ ტატიშვილი. იგი თბილისიდან საკონცერტო პროგრამაში მონაწილეობისათვის მოიწვიეს. ღია ეთერში გაიმართა დიალოგი კონგრესის ამოცანებზე, იმაზე, თუ რას, როგორ და რით გავაკეთებთ კონგრესი. ბოლოს კი პროგრამის წამყვანი აცხადებს: სადაც სამი ქართველი შეიყრება, დიდებული სიმღერა ისმის, თქვენ კი, ავე თავმჯდომარეები, რეჟისორები...

შალვა მარდიმ დაუყოვნებლივ და უბრალოდ თქვა: რომ იცოდეთ, რა კარგი მსმენელი ვარ, გადარიდეთო, სოსო იოსებაშვილმა უხმოდ გააქნია თავი. ჯერი ჩემზე მოდგა, ვიცოდი, რომ მოდგებოდა, რადგან ვახტანგ ტატიშვილი კადრში არ იყო, იგი ჩვენს მერე გავიდოდა ეთერში -- იუმორით. ამიტომ ახლა თუ მე არ გამოვასწორებ მდგომარეობას, საქმე ძალიან ცუდადნა. მე უნდა ვიმღერო, მაგრამ როგორ? მე ხომ არც ხმა მაქვს, არც -- მქენა, ჩემთვის სახლში თუ ნამილიღინია, თორემ მსოფლიოში ვერავინ იტყვის, გინა სიტყაბუკუმი, გინა ახლა, სიტყამაგისას, ამისი სიმღერა გამიგიაო, არადა, სხვა გზა არ არი... როგორ, რანაირად? და უცებ თითქოს თავისთავად, ავმღერე. „რას ჩონგური ქოვთქუათი...“ შიშმა ამამღერა? საქართველოს, ქართველი ებრაელობის შერცხვენის შიშმა? მე სამეგრელოში გაზრდილი კაცი ვარ, მიმანია, რომ მეგრული მუსიკალური ფოლკლორი მსოფლიოში გამოჩნულიყო, იგი მშობლიური და ძლიერ მიყვარს, დროდადრო ჩემთვის წავილიღინებ ხოლმე. ახლა მშობლიურმა ამოხეთქა?

კარგად მიდის, მაგრამ იმასაც ვგრძნობ, სუნთქვა მალაატობს, სუნთქვა ნამდვილად მალაატობს. ისე რომ კადრში არ გამოჩნდეს, ვახო ტატიშვილს ვანიშნებ, მიშველ-მეთქი, ისე ლამაზად „შემოვიდა“, ისე ლამაზად „ჩამომართვა“ სიმღერა, მერე მეც მიყვევი, ვგრძნობდი, კარგად გამოდიოდა.

მერე? მერე რა მოხდა? განსაკუთრებული არაფერი, თუ იმას არ ჩავთვლით, რომ სამეგრელოდან წასული ებრაელები აფორიაქდნენ -- მთელი საღამოს განმავლობაში რეკავდნენ, ეს რა გვიყავი, ლამის ცრემლმორეული ვისმენდითო.

2005 წ.

მუნიციპალიტეტის მერიამ შეხვედრა ფალავანთან



სენაკის მუნიციპალიტეტის მერი ლევან კუპრეიშვილი, წარმატებულ სენაკელ ფალავანებს, ახალგაზრდებს შორის ოლიმპიურ და ევროპის ჩემპიონს, გიორგი ჩხიკვაძეს, ევროპის ჩემპიონატის ბრინჯაოს მედლის მფლობელს, ლუკა ოჩიგავას და მათ მწვრთნელებს - ვალერი მურღულიასა და რამაზ კოკაიას შეხვდა.

მუნიციპალიტეტის მერმა სენაკელ სპორტსმენებს მოპოვებული უდიდესი გამარჯვება მიულოცა და შემდგომი წარმატებები უსურვა.

შეხვედრას მერიის განათლების, კულტურის, სპორტისა და ახალგაზრდობის მსახურის უფროსი გივი მისაბიშვილი, სასპორტო გაერთიანების დირექტორი ჯუმბერ ლაშქარავა და ამავე გაერთიანების დირექ-

ტორის მოადგილე ნუგზარ ძაძამია ესწრებოდნენ.

გიორგი ჩხიკვაძე 2008 წლიდან ბერძნულ-რომაული სტილით მოჭიდავეა.

ჭაბუკთა შორის საქართველოს ორგზის ჩემპიონმა, ახალგაზრდა სპორტსმენთა შორის საქართველოს ერთგზის ჩემპიონმა, მესამე ახალგაზრდული ოლიმპიური თამაშების ჩემპიონმა, ევროპის ორგზის პრიზიორმა, საერთაშორისო ტურნირების მრავალგზის გამარჯვებულმა, საუკეთესო ახალგაზრდა სპორტსმენის ტიტულის მფლობელმა სენაკელმა ფალავანმა, გიორგი ჩხიკვაძემ, გერმანიის ქალაქ დორტმუნდში მიმდინარე ევროპის ახალგაზრდული პირველობის ფინალურ შეხვედრაზე, უნგრელი ტოეს-

მაგი, დამაჯერებელი ანგარიშით - 4:1 დაამარცხა და ევროპის ჩემპიონის ტიტული მოიპოვა.

ახალგაზრდული ოლიმპიური თამაშების ჩემპიონმა, მიმდინარე ევროპის ჩემპიონატზე, საქართველოს ჰიმნი მესამედ ააუღერა.

სენაკელი ფალავანი ლუკა ოჩიგავა 10 წელია, რაც ბერძნულ-რომაული სტილით მოჭიდავეა.

საქართველოს ორგზის ჩემპიონი, ახალგაზრდა სპორტსმენთა შორის მესამე საპრიზო ადგილის მფლობელი, საერთაშორისო ტურნირების არაერთგზის გამარჯვებული, ლუკა ოჩიგავა, ევროპის ჩემპიონატის ბრინჯაოს მედალს დაეუფლა.

გერმანიის ქალაქ დორტმუნდში მიმდინარე ევროპის ახალგაზრდულ პირველობაზე, შეხვედრის პირველივე წუთებში, ლუკამ, სრული უპირატესობით - 10:0, უნგრელი პოილენი დაამარცხა.

სენაკის მუნიციპალიტეტის მერია, წარმატებულ სპორტსმენებსა და მათ მწვრთნელებს, ერთჯერად ფულად ჯილდოს გადასცემს.

ქუჩის ხელოვნების პირველი ნიმუშები



სენაკში ქუჩის ხელოვნების - Street art -ის პირველი ნიმუშები შეიქმნა.

თეატრალურ მოედანზე, ყოფილი სასტუმრო „ევრისის“ კედელზე, სულხან-საბა ორბელიანის გამონათქვამისა და ტრადიციული სენაკური წითელი აგურის სახლების მოტივების გამოყენებით, კედლის ორიგინალური მხატვრობები მოეწყო.

კედლის თემატური მოხატვა ასევე მიმდინარეობს ჯემალ აჯიაშვილის სახელობის სკვერში, რომელიც გამოჩენილ ქართველ ებრაელს, სენაკური

წარმოშობის მწერალს, მთარგმნელს, პუბლიცისტსა და საზოგადო მოღვაწეს ჯემალ აჯიაშვილს ეძღვნება.

პროექტი საინიციატივო გაერთიანება „ჩვენი სენაკის“ ორგანიზებითა და სენაკის მუნიციპალიტეტის მერიის მხარდაჭერით ეწყობა და, სამომავლოდ, ქალაქის სხვა უბნებსაც მოიცავს.

კედლის მხატვრობები სენაკში ხორციელდება International Alert და „კავკასიური სახლის“ პროექტის ფარგლებში, რომელიც დაფინანსებულია USAID-ის მიერ.

ტურიზმის განვითარების კუთხით

დატკბი ნოქალაქევის ციხე-გოჯის უნიკალური სანახებით, სილამაზით გამოირჩეული ქალაქის ხედებით - შხეფის ციხიდან თუ განახლებული ასსაფეხურიანი კიბიდან, ისიამოვნე სათავგადასავლო და დასასვენებელი ატრაქციებით - ბეთლემში, დატკბი უნიკალური ბუნებით, აღმოაჩინე და შეისწავლე ისტორიული ადგილები...

სენაკის მუნიციპალიტეტში, ბოლო წლების მანძილზე, ტურისტული ინფრასტრუქტურის განვითარების კუთხით, უპრეცედენტო მასშტაბის პროექტები განხორციელდა, მიმდინარეობს და იგეგმება, რაც ტურისტული მიზიდულობის კუთხით, თვისობრივად ახალ შესაძლებლობებს ქმნის.

გრძელდება კულტურული მემკვიდრეობის მსოფლიო მნიშვნელობის ძეგლის, ნოქალაქევის არქეოლოგიური კომპლექსის სრული რეაბილიტაცია.

რეაბილიტაციისა და კონსერვაციის სამუშაოებმა ნაქალაქარის ყველა სეგმენტი მოიცვა.

პროექტის ფარგლებში, მიმდინარეობს ახალი სამუზეუმო სივრცის მონაცვა, სადაც, ექსპოზიციის სახით, ნოქალაქევის ტერიტორიაზე აღმოჩენილი არტეფაქტები გამოიფინება.

ახალ მუზეუმშივე განთავსდება თანამედროვე ტექნოლოგიებით აღჭურვილი ქიმიურ-სარესტავრაციო ლაბორატორია, რომელიც დასავლეთ საქართველოში მდებარე კულტურული მემკვიდრეობის ძეგლებზე მიმდინარე არქეოლოგიურ მისიებს მოემსახურება.

2020 წლის ბოლოს, ნოქალაქევის მუზეუმ-ნაკრძალის მიმდებარე, განხორციელდა პარკინგისა და ასფალტირების სამუშაოები. შედეგად, განახლებული ინფრასტრუქტურითა და კეთილმოწყობილი პარკინგით, მუნიციპალიტეტს კიდევ ერთი მრავალფუნქციური სივრცე შეემატა.



რეაბილიტირდა მდინარე ტეხურის ხიდან და „დედამოკას“ თერმულ წყლებთან მისასვლელი გზა.

2020 წელს, ლედაძამეს ადმინისტრაციული ერთეულის სოფელ ბეთლემში, პროექტის „სენაკის ეკონომიკური განვითარება ტურიზმის ხელშეწყობის გზით“ ფარგლებში, ახალი ტურისტული მიზიდულობის ცენტრი მოეწყო.

ყველა მსურველს ეძლევა შესაძლებლობა, გაერთოს სათავგადასავლო და დასასვენებელი ატრაქციებით: „თოკების პარკით“; 130 მეტრი სიგრძის ზიპ-ლინიით;

აქვეა ღია ბაზრობა - ადგილობრივი მწარმოებლისთვის პროდუქციის გაყიდვა-პოპულარიზაციის ხელშეწყობისთვის; პარკირება/ავტოკემპინგის ზონა; ფრინველებზე დაკვირვების პლატფორმა.

ნოქალაქევის არქეოლოგიურ მუზეუმ-ნაკრძალს, 2020 წელს, ვიზიტორების

მომსახურებისთვის ახალი სერვისი შეემატა. სამუზეუმო სივრცის ვიზიტორებს ელექტრო ტრანსპორტი მოემსახურება. ელექტრო ტრანსპორტი მუზეუმ-ნაკრძალის დამატებითი ატრაქცია იქნება და ტურისტებს ტერიტორიაზე კომფორტულ გადაადგილებაში დაეხმარება.

ტურისტული თვალსაზრისით კიდევ ერთი მასშტაბური პროექტია სახოკიას ქუჩიდან ისტორიულ-კულტურული მნიშვნელობის ძეგლის - შხეფის ციხემდე მისასვლელი გზის კაპიტალური რეაბილიტაცია.

ათეული წლების შემდეგ, პირველად, განდა განსაკუთრებული მდებარეობითა და არქიტექტურით გამოირჩეული ძეგლის კომფორტული დალაშქვრის შესაძლებლობა. ამ ადგილიდან შთამბეჭდავი პანორამა იშლება - ჰორიზონტი, ქალაქის ულამაზესი ხედებით... პროექტის ფარგლებში, არსებულ მოე-

დანზე ასევე მოეწყო ასფალტო-ბეტონის საფარი. აქვე იგეგმება გარე განათების ქსელის მოწყობა.

ბალნეოლოგიურ კურორტ მენჯის სამომავლო აღდგენა-განვითარების თვალსაზრისით, საზგასამელია მენჯი-სახარბედიოს დამაკავშირებელი გზის ასფალტირების მასშტაბური პროექტი, რომელიც სამი ათეული წლის შემდეგ, პირველად, მიმდინარე წელს განხორციელდა.

ძველი სენაკის ადმინისტრაციული ერთეულის საჩიქობავოს უბანში, დიდი ქართველი ენათმეცნიერის, არნოლდ ჩიქობავას სახლ-მუზეუმამდე მისასვლელ გზაზე ბეტონის საფარი მოეწყო. სენაკის მუნიციპალიტეტის მერია ასევე გეგმავს არნოლდ ჩიქობავას სახლ-მუზეუმისთვის ოდის შექმნას, სადაც ახალი სამუზეუმო სივრცე მოეწყობა.

უახლოეს დღეებში ასევე დაიწყება ტურიზმის განვითარების ხელშეწყობის შემდეგი მნიშვნელოვანი სამუშაოები: ეკის ადმინისტრაციულ ერთეულში, იოანე ნათლისმცემლის სახელობის კომპლექსისკენ მიმავალი გზის რეაბილიტაცია;

საკირეს მთაზე არსებულ ჯვართან მისასვლელი გზის რეაბილიტაცია. ასევე აქვე, პარკინგისა და განათების სისტემის მოწყობა LED სანათებით;

მენჯი-სახარბედიოს დამაკავშირებელ გზაზე, LED ნათურებით, განათების ქსელის მოწყობა.

ეს და სხვა პროექტები, ლევან კუპრეიშვილის მერობის პერიოდში, მისი უშუალო ინიციატივითა და ძალისხმევით განხორციელდა.

**მუნიციპალიტეტის მერიის
საზოგადოებასთან ურთიერთობის
და ინფორმაციული უზრუნველყოფის
განყოფილება**

„სენაკის Art ფესტივალი 2021“



სკოლების მოსწავლეებისათვის, მუსიკის პედაგოგებისათვის, მშობლებისათვის.

ფესტივალი ჩატარდა 2014 - 2019 წლებში, რომლის საკონცერტო ნაწილი მდიდარი იყო მსოფლიოში ცნობილი მუსიკოს-შემსრულებლების არაჩვეულებრივი შესრულებით, წარმოდგენილი იყო თითქმის ყველა ჟანრი: კლასიკა - საფორტეპიანო, საორკესტრო, კლასიკური ვოკალი, კლასიკური გიტარა, აკორდეონი... ფოლკლორი - ხალხური, ქალაქური; ესტრადა - არაჩვეულებრივი ქართველი საესტრადო მომღერლები, ჯაზსექსტეტი... იყო შეხვედრები ცნობილ კომპოზიტორებთან, თეატრალურებთან, სიმებიან კვარტეტებთან... სენაკი ამ პერიოდში ცხოვრობდა სავსე მუსიკალური ცხოვრებით, რომელიც ერთნაირად სასიამოვნო და სასიხარულო იყო, როგორც მუსიკოსებისათვის, ასევე ქალაქის ყველა თაობის მსმენელისა და მყურებლისათვის... იყო თხოვნა და სურვილი მათგან: „კიდევ როდის გვექნება ასეთი ლამაზი დღეები“...

ასევე წარმატებით მიმდინარეობდა ნორჩ მუსიკოსთა მოსმენები - თითქმის ყველა ჟანრში, ფესტივალში მონაწილეობდნენ ნორჩი პიანისტები, მევიოლინეები, ალტისტები, ჩელისტები, კლარნეტისტები, ჰობოისტები, ფლეიტისტები, ბლოკფლეიტისტები, საქსოფონისტები; კლასიკური ვოკალისტები, საესტრადო მომღერლები, ფოლკლორული ანსამბლები... მოსმენებმა გამოავლინა ნიჭიერი ბავშვები, რომლებიც დაჯილდოვდნენ ფესტივალის მაღალი ჯილდოებით და ფესტივალის ჟიურის რეკომენდაციებით გაგზავნულ იქნენ საზღვარგარეთ, ბავშვთა და ახალგაზრდულ საერთაშორისო კონკურსებზე, სადაც ასევე მოიპოვეს საპრიზო ადგილები და საზღვარგარეთ სამუსიკო სასწავლებლებში სწავლის უფლება, ამ ფესტივალის აღმოჩენები დღესაც წარმატებით აგრძელებენ მუსიკალურ კარიერას, როგორც საქართველოში ასევე საზღვარგარეთ.

2020 წელს ფესტივალი ვერ ჩატარდა მსოფლიოში არსებული კოვიდინფექციის აქტიური ფაზის გამო. წელს ფესტივალის ხელახლა დაბადებამ დიდი სიხარული მოუტანა სამეგრელოს, იმერეთის, გურიის, აჭარის სამუსიკო და სახელოვნებო სკოლების მოსწავლეებს, მათ პედაგოგებს, რაც გამოიხატება მათ გამონათქვამებში, რომ არ უნდოდათ კიდევ ერთხელ გაეცდინათ ეს ფესტივალი და პირდაპირ მოითხოვეს მისი ჩატარება. არსებული პანდემიის გათვალისწინებით „სენაკის ხელოვნების ფესტივალი - 2021“ ჩატარდა რეგულაციების სრული დაცვით. ხელოვნების ცენტრის შემოსასვლელში ფუნქციონირებდა თერმოსკრინინგი, სამუსიკო სკოლის დარბაზში მოსწავლეთა მოსმენებზე დაშვებული იყვნენ ერთდროულად მხოლოდ თითო სკოლის მოსწავლეები, პედაგოგები, მშობლები, რომელთა რაოდენობა არ აღემატებოდა დარბაზის ფართის შესაბამის რიცხვს - 30 კაცამდე. დღეში ისმინებოდა 2-3 სკოლა, მოსწავლეები დარბაზში ამოდიოდნენ მხოლოდ წინა სკოლის მოსმენის დათავრების შემდეგ, რომლებიც გამოსვლისთანავე ტოვებდნენ დარბაზს, რომ დაცული ყოფილიყო ადამიანთა რაოდენობის ბალანსი. გასულ წლებში ფესტივალში მონაწილეთა რიცხვი წელიწადში აღემატებოდა 2000-ს, წლებადეულ ფესტივალში კოვიდპანდემიის გააქტიურების და

მოსწავლეთა არდადეგების გამო, შედარებით მცირე იყო მოსწავლეთა რაოდენობა - 350 - მდე. 2021 წელს ფესტივალში მონაწილეობდნენ: იმერეთიდან: ქუთაისის (4 სკოლა და სასწავლებელი), ზესტაფონის (2 სკოლა), ბაღდათის, ხონის, სამტრედიის სოფ. ტოლების სამუსიკო და სახელოვნებო სკოლები; სამეგრელოდან: სენაკის, აბაშის, ხობის, ზუგდიდის (I, II და საჯუნდო სამუსიკო) სკოლები; გურიიდან: ლანჩხუთის, სუფსის სამუსიკო სკოლები; აჭარიდან - ბათუმის ზ. ფალიაშვილის სახელობის სამუსიკო თერთმეტწლიანი

ფესტივალში მონაწილე მოსწავლეებს გადაეცათ სიგელები, ფესტივალში წარმატებული მონაწილეობისათვის, საპატიო დიპლომები დაიმსახურა 100 - მა მოსწავლემ, ლაურეატის ნოდება მიენიჭა 30 მოსწავლეს და ანსამბლებს. სკოლებმა წარმოადგინეს საფორტეპიანო, საორკესტრო (ვიოლინო, ალტი, ფლეიტა) ნაწარმოებები, კლასიკური და საესტრადო ვოკალი, კლასიკური გიტარა და ხალხურ საკრავთა ანსამბლები.

სენაკის ხელოვნების ცენტრის სამუსიკო სკოლიდან ფესტივალში მონაწილეობა მიიღო 60- მა მოსწავლემ, მათ შორის 25-მა სოლისტმა - 22-მა პიანისტმა, 2-მა მევიოლინემ, 1-საესტრადო ვოკალმა, და 4-მა ანსამბლმა, მათ შორის: მევიოლინეთა და გიტარისტთა ოქტეტმა, გიტარისტთა კვარტეტმა, გიტარისტთა კვინტეტმა და ხალხურ საკრავთა ანსამბლმა „მორდუმ“.

სენაკელმა მოსწავლეებმა სხვა წლებთან შედარებით ლაურეატის ნოდების რეკორდული რაოდენობა მოიპოვეს: 8 ლაურეატიდან 4 - პიანისტია, 4 - ანსამბლი; საპატიო დიპლომები დაიმსახურა 10 - მა მოსწავლემ, 11 მოსწავლეს გადაეცა სიგელი ფესტივალში წარმატებული მონაწილეობისათვის. ფესტივალის ჟიურის თავმჯდომარემ, ვ. შიუკაშვილმა საჯაროდ მადლობა გადაუხადა სენაკის მუნიციპალიტეტის ხელოვნების ცენტრის დირექტორს, ბატონ ვ. ვეფხვაძეს და სამუსიკო სკოლის მთელს პედაგოგიურ კორპუსს ამ რთულ პერიოდში ასეთი კარგი შედეგებისათვის.

მოსწავლეთა მოსმენების პარალელურად მიმდებარე პარკში გაიმართა კონცერტები ფესტივალის ფარგლებში. საფესტივალო კონცერტებზე წარმოდგენილი იყო: არაჩვეულებრივი ჯაზ-სექსტეტი „კვინტეტენსი“, რომელმაც უდაოდ მოხიბლა მსმენელი და მყურებელი აკაპელად შესრულებული სხვადასხვა ფოლკ და ჯაზური კომპოზიციებით; ცნობილი საესტრადო მომღერალი, ნეკა სებისკვერაძე, რომელმაც თავისი ლირიული რეპერტუარითა და თბილი შესრულებით დიდი სიამოვნება მიანიჭა მყურებელს; პოპულარული საესტრადო მომღერალი, იურმალის ახალგაზრდა შემსრულებელთა 2006 წლის კონკურსის „ახალი ტალღა“ III პრიზიორი - სოფო ხალვაში, 2007 წელს სოფომ საქართველო წარადგინა ევროვიზიის კონკურსზე, სადაც იგი ფინალისტი გახდა. სოფო ხალვაშმა თავის ცნობილ ჰიტებთან ერთად შეასრულა ლირიული და რიტმული უცხოური სიმღერები და მსმენელთა ოვაციები დაიმსახურა „სენაკის ხელოვნების ფესტივალმა ასევე უმასპინძლა ქართველ ჯაზ-ვუმენს, მაია ბარათაშვილს, რომელმაც რამდენიმე წლის უკან მადლიერმა საზოგადოებრიობამ თბილისის ფილარმონიის წინ ვარსკვლავი გაუხსნა, მან შეასრულა არაჩვეულებრივი ინგლისური და ქართული ჯაზური კომპოზიციები და მზურვალე აპლოდისმენტები დაიმსახურა. კონცერტის დასასრულს მიმღერებლმა, ოვაციების ფონზე შეასრულა მეგრული ხალხური სიმღერა ჯაზური არანჟირებით.

ფესტივალის ერთი დღე დაეთმო მის დამაარსებელს, საერთაშორისო კონკურსების მრავალგზის ლაურეატს, პიანისტ ვალერიან შიუკაშვილს, რომელმაც კოვიდპანდემიის რეგულაციების სრული დაცვით, 2 სოლო კონცერტი გამართა ყველა მსურველისათვის სამუსიკო სკოლის დიდ საკონცერტო დარბაზში, პიანისტმა შეასრულა ფ. შოპენის, ა. სკრიაბინის ნაწარმოებები, მსმენელები დიდხანს უკრავდნენ ტაშს ცნობილ პიანისტ... კონცერტს ესწრებოდნენ სენაკის საზოგადოებრიობის წარმომადგენლები, სტუმრები სამტრედიიდან ქუთაისიდან, ლანჩხუთიდან... 6 ივლისს ფესტივალი დაიხურა საზეიმო გალა - კონცერტით, რომელშიც მონაწილეობდნენ მხოლოდ ფესტივალის ლაურეატები, გალა-კონცერტი გაიმართა ლია ცის ქვეშ, მიმდებარე პარკში, ლამაზი და საინტერესო პროგრამით, კონცერ-



ტის პარალელურად ფესტივალში მონაწილე სკოლები დაჯილდოვდნენ მადლობის დიპლომებით და სკოლის დირექტორებს გადაეცათ მოსწავლეთა ჯილდოები.

ვალერიან შიუკაშვილმა, კოვიდპანდემიის რთულ პერიოდში ფესტივალის მხარდაჭერისათვის, დიდი მადლობა გადაუხადა სენაკის მუნიციპალიტეტის მერს, ბატონ ლევან კუპრეიშვილს, სენაკის მუნიციპალიტეტის საკრებულოს, თავმჯდომარეს ბატონ კახა რუსიას, სენაკის მუნიციპალიტეტის კულტურის სამსახურის უფროსს ბატონ გივი მისაბიშვილს, სამსახურის მთავარ სპეციალისტს ირმა კუპრეიშვილს და ყველას, ვინც გარკვეული შრომა ჩადო ამ ფესტივალის მეთრეფ დაბადებისათვის.

გალა კონცერტი ტრადიციულად მიჰყავდა ფესტივალის თანადამაარსებელს, ჟიურის უცვლელ წევრს, რუსუდან მილიუტინს, ფესტივალი დაიხურა საზეიმო ფორევერკით, საქართველოს ჰიმნისა და ვაჟა აზარაშვილის სიმღერის „მუსიკა“-ჰანგებით... ფესტივალი ერთი წლით დაემშვიდობა სენაკს და დასავლეთ საქართველოს ...

იმედს არ ვკარგავთ, რომ მომავალი წელი, კოვიდპანდემიის მხრივ უფრო მშვიდობიანი იქნება და ფესტივალში მონაწილეობის მსურველთა და თავისი ხელოვნების ფართო აუდიტორიისათვის ჩვენების მსურველთა რიცხვი კვლავ ჩვეულ ნიშნულს მიუახლოვდება.

რუსუდან მილიუტინი



„სენაკის ხელოვნების ფესტივალი“, რომელიც არსებობს მე-7 წელს ითვლის და ემსახურება მოზარდი თაობის მუსიკალურ - ესთეტიკური აღზრდის საპატიო საქმეს, ნიჭიერი ახალგაზრდების გამოვლენას და აკადემიანებას პროფესიული მიმართულებით, დაარსდა 2013 წელს და მისი დამფუძნებელი, უცვლელი ხელმძღვანელი და მოსწავლეთა საფესტივალო მოსმენის ჟიურის თავმჯდომარე არის, საერთაშორისო კონკურსების მრავალგზის ლაურეატი, საქართველოს ხელოვნების აკადემიის დირექტორი, მსოფლიოს სხვადასხვა ქვეყნების პიანისტთა საერთაშორისო კონკურსების ჟიურის წევრი, მსოფლიოში ცნობილი პიანისტი ვალერიან შიუკაშვილი.

პირველ ფესტივალს 2013 წელს ერქვა სამეგრელო-ზემო სვანეთის რეგიონალური ფესტივალი, სადაც მხოლოდ ამ რეგიონის სამუსიკო და სახელოვნებო სკოლები მონაწილეობდნენ. 2014 წელს ფესტივალის საზღვრები გაფართოვდა და მოიცვა მთელი დასავლეთ საქართველო რეგიონის უძელტეხილს გამოღმა აჭარის რეგიონის ჩათვლით.

„სენაკის ხელოვნების ფესტივალი“ ღირსშესანიშნავი მოვლენაა, როგორც სენაკელი მუსიკოსების, მოსწავლეების, მათი მშობლებისა და მუსიკისმოყვარელებისათვის, ასევე მთელი დასავლეთ საქართველოს სამუსიკო და სახელოვნებო

ნოდარი ლომია – დღეს გა-
ვიკეთე სინოფარმის ვაქცინის
პირველი დოზა. თავს ვგრძნობ
მშვენივრად. არანაირი გვერდით
მოვლენები არ მქონია. ჩვენს მო-
სახლეობას ვურჩევ გაიკეთონ
აცრა, რადგან ეს აუცილებელია
იმისათვის, რომ გადავრჩეთ .

ლუიზა მირცხულავა – ვმუშა-
ობ სენაკის „არქიმედეს“ კლინი-
კაში რეგისტრატორად. მე ვფიქ-
რობ, რომ ამ პანდემიის დროს
ვაქცინაცია იმდენად მნიშვნე-
ლოვანი და აუცილებელია, რომ
მთელი ჩვენი მომავალი დამოკი-
დებულია ამაზე. ჩემი დიდი სურ-
ვილია, ხალხმა ეს კარგად შეიგ-
ნოს. გამოსავალს მხოლოდ ამაში
ხედავ.

ლავანდა ხურცილავა – სენა-
კის ამბულატორიულ პოლიკლი-
ნიკური გაერთიანების მედდა.
დღეს ისეთი ეპიდ მდგომარეობა
გვაქვს, რომ თითოეული ჩვენთა-
განის მოქალაქეობრივი ვალია
ვაქცინაციის პოცესს ჩავერ-
თოთ. მე პირადად აცრა გავი-
კეთე იმისათვის, რომ გვექონდეს
მომავალი, იმისათვის რომ ვიმუ-
შავო ნორმალურად, უშიშრად და
თავისუფლად. ძალიან მიხარია
მოსახლეობის აქტიურობა. ეს
ნიშნავს იმას, რომ მათ გაიაზრეს
ვაქცინაციის ეფექტურობა პან-
დემიის დასამარცხებლად. მინ-
და მიემართო მოსახლეობის იმ
ნაწილს, ვასაც ჯერ კიდევ აქვს
შიში და ილუზია იმისა, რომ ვაქ-
ცინამ შეიძლება ავნოს. არავი-
თარი გართულება არ ყოფილა,
ყველაფერი მიმდინარეობს მშვი-
დად და გართულებების გარე-
შე. მე კიდევ ერთხელ ვთხოვ და
მოვუწოდებ ჩვენს მოსახლეობას
მეტი აქტიურობა გამოიჩინონ და
უფრო მეტი სანდოობა დააფიქ-
სირონ ვაქცინაციის პროცესის
მიმართ, ვინაიდან ეს ნამდვილად
ერთადერთი გზაა პანდემიის
დასრულებისა.

ნანა მიგინეშვილი – კლინიკა
„სენამედ“-ის მედდა. ჩემი აზ-
რით ვაქცინაცია არის აუცი-
ლებელი, როგორც საკუთარი
თავისთვის ასევე სხვისთვის,
რადგან ვთვლი, რომ ჩვენ ამით
ერთმანეთს ვიცავთ. ჩვენს სამე-
დიცინო დაწესებულებაში „სენა-
მედ“-ში ფუნქციონირებდა კო-
ვიდ ცენტრი. იქ იყო ერთი აუნე-
რელი ურთულესი მდგომარეო-
ბა. იყვნენ უიმედო პაციენტები.
ჩვენი თითოეული თანამშრომე-

მასობრივი იმუნიზაციის პროცესი აქტიურ ფაზაში შედის

მიმდინარე თვეში საქართველომ სინოფარმის და
სინოფარმის მილიონი დოზა მიიღო და ქვეყანამ 5
ივლისიდან მასობრივი ვაქცინაცია დაიწყო. გარ-
და ამისა პარალელურად კეთდება ასზტრა ზენეკა.
14 ივლისს კი შემოვიდა ფაიზერის 28 ათასი დოზა.
მასობრივი იმუნიზაციის დაწყებამდე ორი დღით
ადრე შესაბამის ვებ პორტალზე კიბერშეტყვისა
და მოგვიანებით მაღალი მომართვიანობის გამო
მოქალაქეები რეგისტრაციას ვერ ახერხებდნენ,
თუმცა პრობლემა მალე მოგვარდა და რეგისტრაცია
შეფერხებით, მაგრამ მაინც მიმდინარეობს.
ჩვენი მუნიციპალიტეტიც შესაბამისად აქტიურად
არის ჩართული ამ პროცესში. მომატებულია მო-
მართვიანობა ვაქცინაზე. ადამიანებს შეუძლიათ

ლი, რომლებიც იქ ვმუშაობდით
ყოველდღიურად გავდიოდით
სიკვდილ-სიცოცხლის ზღვარ-
ზე, რადგან დიდი იყო ალბათობა
ვირუსის გადადებისა. იყო შიში
და უიმედობა. ნამდვილად აღარ
მინდა მსგავსი მდგომარეობა გან-
მეოდეხ. ამიტომ გამოსავალი
მხოლოდ იმუნიზაციის პროცე-
სის გააქტიურება და წარმატე-
ბით დასრულებაა. მინდა თითო-
ეულ სენაკელს და არა მარტო
ჩვენი ქალაქის მოსახლეობას,
არამედ მთელ საქართველოს მო-
ვუნოდო, გაიკეთონ ვაქცინა. ეს
არის ერთადერთი გზა, რითაც
შევძლებთ დავამარცხოთ „უხი-
ლავი მტერი“, რომელსაც დღეს
მთელი მსოფლიო ებრძვის.

ლუარა ხურცილავა – პროვი-
ზორი. მაქვს საკუთარი აფთია-
ქი და ვიყავი მუდამ შიშის ქვეშ,
რადგან ვირუსისგან დაცულად
არ ვგრძნობდი თავს. ამიტომ
გადავნივტი გამეკეთებინა ვაქ-
ცინა. დღეს ავიცერი „სინო-
ფარმის“ პირველი დოზით. თავს
ვგრძნობ შესანიშნავად. მინდა
ყველას ვუთხრა, რომ საშიში
არაფერი არ არის. ჩემი თხოვნა
იქნება ყველამ გაიკეთოს ვაქცინა.
ამ მეტად მძიმე ეპიდემიო-
ლოგიური სიტუაციის დროს ეს
არის ერთადერთი გამოსავალი,
რათა დავუბრუნდეთ ნორმალურ
ცხოვრების რიტმს. დარწმუ-
ნებული ვარ ყველაზე სურვილიც
ეს იქნება. თითოეულ სენაკელს
ვუსურვებ ჯანმრთელობას,
მშვიდ ცხოვრებას და პანდემიის
დასრულებას.

ომარი ხუბუა – სენაკის მკვიდ-
რი. დღეს მოვედი და გავიკეთე
„სინოფარმის“ პირველი დოზა.
დიდი ხანი ვიკავებდი თავს, მა-
გრამ ბოლოს მივხვდი, რომ ამის
გარეშე ამ ვირუსის დასრულება
შეუძლებელი იქნება. ეხლა ვარ
მშვიდად და დანშუებული ვარ,
რომც დამემართოს ამ ვირუსს
ჩემი ორგანიზმი ადვილად გა-
დაიტანს. ჩვენს მოსახლეობას
ვეტყობი ერთ რამეს: თუ გვინ-
და ცხოვრება, ჯანმრთელობა და
დაბრუნება ნორმალურ ყოველ-
დღიურ ცხოვრებაში აცრა უნდა
გავიკეთოთ. სხვანაირად ჩემი
აზრით წარმოუდგენელია პან-
დემიის დასრულება.

ნოდარ არღვლიანი – აფხაზე-
თიდან დევნილი. ვარ 75 წლის
შემიძლია თამამად ვთქვა, რომ
ამ ხნის მანძილზე თავიც კი არ
წამოტყენია, მაგრამ თავს ვალ-
დებულად ვთვლი, რომ გავიკე-
თო ვაქცინა. მე ამით ვიცავ, რო-
გორც ჩემი ოჯახის წევრებს ისე
ჩემს გარშემოყვებულ ახლობელ-
სა და მოკეთებებს. მოვუწოდებ
ყველას დავიცვათ ერთმანეთის
სიცოცხლე და ხელი შევუწყოთ
იმუნიზაციის პროცესს. თუ ნე-
ბას მომცემთ ორიოდე სიტყვა
მინდა ვთქვა მოსახურე პერსო-
ნალის შესახებ. ყველას მიმართ
მინდა გამოვხატო უდიდესი მად-
ლიერება ასეთი მომსახურების-
თვის, სითბოსთვის, სიყვარუ-
ლისთვის და გულსხმიანობის-
თვის. ღმერთმა მოგცეთ ენერჯია
და სტიმული, რათა ემსახუროთ
ჩვენს მოსახლეობას.

ომარი ყურაშვილი – ჩემი აზ-
რით და ალბათ ბევრიც დამე-
თანხმება, რომ ერთი, ორი და
თუნდაც ასი ადამიანის აცრას
არანაირი აზრი არ აქვს. ეს პრო-
ცესი უნდა გაგრძელდეს მასიურ-
ად, მოსახლეობამ უნდა შეიგ-
ნოს, რომ გამოსავალი მხოლოდ
იმუნიზაციის პროცესის დასრუ-
ლებაზე გადის. ძვირფასო სე-
ნაკელებო! მოგიწოდებთ, მობ-
რძანდეთ ჩვენს პოლიკლინიკაში
თქვენ აქ ყველანაირად გვერდში
დაგიდგებიან და დაგაკვლიანე-
ბენ. გისურვებთ ჯანმრთელო-
ბას.

ოლეგი მიქიაშვილი – პედა-
გოგი. დღეს გავიკეთე „სინო-
ფარმის“ პირველი დოზა. თავს
ვგრძნობ კარგად, არანაირ გარ-
თულებას ადგილი არ ჰქონია.
მინდა დავამშვიდო ის ადამი-
ანები, ვისაც ჯერ კიდევ შიში
აქვს. ეს არის ვაქცინა, რომელ-
საც არანაირი გვერდი მოვლენა
არ ახასიათებს. ჩვენს ქვეყანას
ვუსურვებ ეს მძიმე პერიოდი
ღირსეულად დაეძლიოს. დავიბ-
რუნოთ მშვიდი და ბედნიერი
ცხოვრება. ყველას გისურვებთ
ჯანმრთელობას.

დონარა კუბრეიშვილი – პენსი-
ონერი, სოფელ გეჯეთის მკვიდ-
რი. ვარ 81 წლის პენსიონერი.
მიუხედავად ბევრი სიძნელეები-
სა ჩემი ცხოვრების მანძილზე არ
მასხოვს ასეთი მძიმე და საშიში
დრო ჰქონოდა ჩვენს ქვეყანას.
ცუდი ინფორმაციები მოდის ტე-
ლევიზიიდან და უკვე ჩვენს ირ-
გვლივაც იმატა ვირუსმა. შემე-



შინდა და მივხვდი, რომ აცრის
გაკეთება აუცილებელია. მიუხე-
დავად ჩემი ასაკისა ავადმყოფო-
ბას ძალიან არ შევეუწუხებოვარ,
მაგრამ უბრალოდ შიშმა დამლა-
ლა. ამიტომ მოვედი აცრის გასა-
კეთებლად. ჩემი ოჯახის მეგო-
ბარმა ქალბატონმა დამეხმარა
დარეგისტრირებაში და დღეს
უკვე მშვიდად ვარ, ვიცი რომც
დამემართოს ვირუსი ადვილად
გადავიტან. ყველას გირჩევთ გა-
იკეთოთ აცრა. ჩვენს მოსახლეო-
ბას ვუსურვებ ჯანმრთელობას.

ვაქცინაციის პროცესი გრძელ-
დება. იმედი გვაქვს, რომ მასში
ჩაერთვება მუნიციპალიტეტის
მოსახლეობის კიდევ უფრო დი-
დი ნაწილი. პანდემია აუცილებ-
ლად დასრულდება განვახლებთ
ადამიანურ ურთიერთობებს და
დავიბრუნებთ ცხოვრების ძვე-
ლებურ რიტმს.

მარიკა მიქაპარიკა

ვინ და რატომ მოკლა აკაკი ელიავა?

ეს ტრაგედია, 2000 წლის 9
ივლისს ქ. ზესტაფონში დატ-
რიალდა. „ხუნტის“ ჯალათებ-
მა საქართველოს კანონიერი
პირველი პრეზიდენტის, ზვიად
გამსახურდიას თანამებრძოლე-
ბი: აკაკი (კაკო) ელიავა და გო-
ჩა გვილავა, განსაკუთრებული
სისასტიკით, მუხასნათურად,
ლანჩულად, ზურგში სროლით
სიცოცხლეს გამოასალმეს.

არიან ადამიანები, რომელთა
მინიერი სიცოცხლე მხოლოდ პი-
რადი კეთილდღეობის ზრუნვასა
და ფიქრში გაივლის, მაგრამ იბა-
დებიან ისეთნი, რომელნიც მხო-
ლოდ მამულის და სამშობლოს
სიყვარულით იღვნიან. სწორედ
ასეთები იყვნენ აკაკი ელიავა და
გოჩა გვილავა. მათთვის უპირვე-
ლესი იყო სამშობლო- ოდაბადე
„ენა, მამული, სარწმუნოება“.

ვინ იყო აკაკი ელიავა? ერთი
უპატიოსნესი კაცი, ჭეშმარიტი
სენაკელი. თავის ოდაბადეზე და
სამშობლოზე უზომოდ შეყვა-
რებული, სწორედ ეს არ აპატი-

ეს- თავდაპირველად მუშაობდა
სენაკის სახელმწიფო თეატრში
ადმინისტრატორად.

1990 წლიდან საქართველოს
პირველი პრეზიდენტის, ზვიად
გამსახურდიას ეროვნული გვარ-
დიის მებრძოლია. 1991 წელს
სენაკის ბატალიონის მეთაურის
კონსტანტინე კურდღელისა მო-
ადგილეა.

კურდღელია, გამსახურდიას
თბილისიდან წასვლისას მცხე-
თის ხიდან „ხუნტის“ ჯალათებ-
მა ჩაცხრილეს. უმეთაუროდ
დარჩენილ სენაკის № 2 ბატალი-
ონს, უკვე ექსპრეზიდენტი ზვი-
ად გამსახურდია აკაკი ელიავას
უნიშნავს ხელმძღვანელად.

1993 წელს ელიავა აფხაზეთის
ომში იბრძვის. სოსხუმის დაცემის
მთავარ დამნაშავედ შევარდნა-
ძის ხელისუფლება სხვა „ზვია-
დისტებთან“ ერთად ელიავასაც
თვლის. თუ არადა ე.წ. დავო-
მისის (სოჭის) ხელშეკრულება
კლასიკური მაგალითია იმჟა-
მინდელი მთავრობის ლალატი-

სა(სოხუმში სწავლის დაწყება,
მშვიდობიანი მაცხოვრებლების
დაბრუნება, შევარდნაძის უსაფ-
რთხოების გარანტიით) და ვინ
მოთვლის რამდენი რამ.

1993 წელს ელიავა სენაკის ტე-
რიტორიაზე განთავსდა, უზრუნ-
ველყოფს პრეზიდენტის უსაფ-
რთხო დაბრუნებას სენაკში და
დროებით აღადგენს გამსახურ-
დიას ხელისუფლებას. პრეზი-
დენტი მას ანიჭებს პოლკოვნი-
კის წოდებას და იგი სამხედრო
საბჭოს წევრი ხდება.

გოჩა გვილავა – გალის პარტი-
ზანული რაზმის უფროსი, შემ-
დეგ სენაკის №3 ბატალიონის
მეთაურის, ელიავას მოადგილეა.
ჯალათებმა გვილავა თითქმის
ველებს გადმოცემით იარაღის
მიბჯენით გამოასალმეს ნუთი-
სოფელს, როცა შეეცადა ელია-
ვას დაცვა.

ხუნტის ძალოვნები ელიავას
ლიკვიდაციამდე ყველაფერს
აკეთებდნენ იმისათვის, რომ
ელიავა ყოველნაირად ლაფ-

ში ამოსვრილი ყოფილიყო სა-
ზოგადოების თავალში. ეს ხომ
ყველა დროის ნაცადი ხერხია,
ზოგისთვის „კაკო ყაჩაღი“ იყო,
ზოგისთვის კი ეროვნული. ჯა-
ლათებს მეტი არგუმენტი უნ-
და ჰქონოდათ თავის გასამარ-
თლებლად, ამიტომაც წაუყენეს
ბრალდებად დანაშაულის მთელი
სპექტრი, როგორცაა სამშობ-
ლოს ლალატი, იარაღის უკანონო
ტარება, არაკანონიერი ფორმი-
რებების შექმნა, სამართალდამ-
ცავის მძევლად აყვანა და სხვა.

აკაკი ელიავა და გოჩა გვილა-
ვა იყვნენ საქართველოს ერთა-
დერთი კანონიერი ეროვნული
ხელისუფლების უკანასკნელი
მებრძოლები. ისინი საქართვე-
ლოს ტერიტორიულ მთლიანო-
ბას, კანონიერების აღდგენას
რანდულად შეეწინა. მათი
ლიკვიდაციით მაშინდელმა ხე-
ლისუფლებამ შემოდგომაზე და-
გვემძლი დესტაბილიზაცია თა-
ვიდან აიცილა და საჭიროების
შემთხვევაში მიზნად ისახავდა

სამეგრელოსა და იმერეთის რე-
გიონების დაპირისპირებასაც.

დაიხ, უბრალოა ამ კოლხი ვაჟ-
კაცების სიმტკიცისა და შუედ-
რეკელობის საიდუმლო. სწორედ
ესაა სანიშნურო მაგალითი სამ-
შობლოს და მამულის სიყვარუ-
ლის. მსუბუქი ყოფილიყო კოლ-
ხეთის ის მინა, რომელიც თქვენი
საფიცარი იყო. „ნეტარ არიან
სიმართლისათვის დევნილნი,
ვინაიდან მათია ცათა სასუფე-
ველი“ – ჭეშმარიტად. „მე მებრა-
ლება ის ქართველი, ვინც ტყვიას
მესვრის“ (აკაკი ელიავა).

9 ივლისს, მისი გარდაცვალე-
ბის დღეს ტკივილით ხვდება ახ-
ლობლები, ოჯახის წევრები. მის
სახელს დავიწყება არ უწერია.

ბიჭიკო თუნთია,
ეროვნული გვარდიის ყოფილი
ოფიცერი

P.S. ნერილში მოყვანილ ფაქ-
ტებზე და გამოთქმულ ვარაუ-
დებზე პასუხისმგებელია ავტო-
რი.



გერმანიის ქალაქ დორტმუნდში გამართულ ევროპის ახალგაზრდულ პირველობაზე წარმატებით იასპარეზეს სენაკელმა სპორტსმენებმა გიორგი ჩხიკვაძემ და ლუკა ოჩიგავამ (მწვრთნელები ვალერი მურლულია, რამაზ კოკაია), გიორგი ევროპის ჩემპიონი გახდა, ხოლო ლუკა ევროპის ჩემპიონატის ბრინჯაოს მედალს დაეუფლა. გიორგი და ლუკა დღეს ჩვენი სტუმრები არიან და თავად გვიყვებიან თავიანთი წარმატების შესახებ.

ბერძნულ-რომაული სტილით მოჭიდავე, საუკეთესო ახალგაზრდა სპორტსმენის ტიტულის მფლობელი გიორგი ჩხიკვაძე ჭაბუკთა შორის საქართველოს ორგზის ჩემპიონია, ახალგაზრდა სპორტსმენთა შორის საქართველოს ერთგზის ჩემპიონი, მესამე ახალგაზრდული ოლიმპიური თამაშების ჩემპიონი, ევროპის ორგზის პრიზიორი, საერთაშორისო ტურნირების მრავალგზის გამარჯვებული...

გიორგი, პირველ რიგში გილოცავ ჩემპიონობას, შენს ტიტულებს კიდეც ერთი, ევროპის ჩემპიონის ტიტული შემატე, რამდენად რთული იყო გზა ჩემპიონობამდე?

გმადლობთ. მოსამზადებელი პერიოდი იყო საკმაოდ რთული. კორონა ვირუსმა ძალიან შეგვიშალა ხელი. რადგანაც კოვიდრეგულაციების გათვალისწინებით სპორტული დარბაზები დაიკეტა. მწვრთნელების დახმარებით სახლის პირობებში ვავდიოდი ინდივიდუალურ ვარჯიშებს და ვიღებდი მითითებებს

მწვრთნელებისგან, როცა ყველაფერი ასე თუ ისე უკეთესობისკენ შეიცვალა, ჩატარდა საქართველოს ჩემპიონატი, რომლის მოგების შემდეგ, საქართველოს ნაკრებთან ერთად დავინყე მზადება ევროპის ჩემპიონატისათვის. მე გავხდი ევროპის ჩემპიონი 72 კილოგრამ წონით კატეგორიაში და ამასთან ერთად ევროპის გუნდური ჩემპიონობაც მოვიპოვეთ.

ჩემპიონატზე სულ ჩავატარე 5 ორთაბრძოლა, შეეხვედი ბელარუსს, შვეიცარიელს, აზერბაიჯანელს და ხორვატ სპორტსმენებს. ხოლო ფინალში 4:1 დავამარცხე უნგრელი სპორტსმენი ტოესმაგი.


გიორგი, როგორია შენი სამომავლო გეგმები? ჩემს სამომავლო გეგმებს რაც შეეხება, გავდივარ საერთო მომზადებას ბაკურიანში და ვემზადებით მსოფლიო ჩემპიონატისთვის, რომელიც გაიმართება რუსეთში, სავარაუდოდ 17-22 აგვისტოს.

ლუკა ოჩიგავა 10 წელია, რაც ბერძნულ-რომაული სტილით მოჭიდავეა. საქართველოს ორგზის ჩემპიონი, ახალგაზრდა სპორტსმენთა შორის მესამე საპრიზო ადგილის მფლობელი, საერთაშორისო ტურნირების არაერთგზის გამარჯვებული ლუკა ევროპის ჩემპიონატის ბრინჯაოს მედალის მფლობელი გახდა.

ლუკა, გილოცავ წარმატებას, შენ არაერთი ტურნირის გამარჯვებული და საპრიზო ადგილების მფლობელი ხარ, რთული იყო გზა წარმატებამდე?

საკმაოდ წარმომადგენლობითი შეჯიბრება იყო, სადაც ძლიერი სპორტსმენები გამოდიოდნენ. სულ ოთხი ორთაბრძოლა გავმართე. ჩემი მეტოქეები იყვნენ გერმანელი, უკრაინელი, აზერბაიჯანელი და უნგრელი სპორტსმენები. ნახევარ ფინალში აზერბაიჯანელთან დავმარცხდი და დავიკავე მესამე ადგილი.

უახლოეს შეჯიბრებაზე სად გიხილავთ? სამომავლოდ ბევრი გეგმები მაქვს, ამ ეტაპზე ჩემი ყველაზე დიდი მიზანია მსოფლიო ჩემპიონატის მოგება, რომელიც აგვისტოს თვეში ჩატარდება. ვთვლი რომ ევროპის ჩემპიონატმა მომცა დიდი სტიმული და გამოცდილება. ვიმედოვნებ რომ მსოფლიო ჩემპიონატისათვის ბევრად უკეთეს ფორმაში ვიქნები.



გიორგიმ და ლუკამ ერთნაირად უპასუხეს კითხვაზე: თუ როგორი შეგრძნება ქონდათ, როცა საქართველოს ჰიმნი აჟღერდა დარბაზში. „როცა შენი ქვეყნის ჰიმნი აჟღერდებოდა, ორმაგად ამაყი ხარ, პირველი, რომ წარმატებას მიაღწიე, მეორე კი შენი სამშობლო ასახელებ“.

გიორგი და ლუკა მადლობას უხდებიან მწვრთნელებს ვალერი მურლულიას და რამაზ კოკაიას განეული შრომისათვის და თვლიან, რომ მიღწეულ წარმატებაში დიდა მათი წვლილი. მადლიერებას გამოთქვამენ სენაკის მუნიციპალიტეტის მერი ლევან კუპრეიშვილის მიმართ გულთბილი შეხვედრისათვის.

ვულოცავთ ჩვენს სახელოვან სპორტსმენებს გიორგი ჩხიკვაძეს და ლუკა ოჩიგავას მოპოვებულ უდიდესი გამარჯვებას, ვუსურვებთ წარმატებებს და გვჯერა რომ კიდეც მრავალჯერ გაგვახარებენ.

ბაია გერგია

სენაკის ნაყინი 50 წლისაა

1971 წელს კვალიფიციური და პროფესიონალი მუშაკის, სენაკის საპატიო მოქალაქის რეზო გარუჩავას ხელმძღვანელობით ნოსირში დაფუძნდა ნაყინის საამქრო.



საამქროში ბევრი სიახლე იყო დანერგული. რეზო გარუჩავას ნიჭიერებით და შრომისმოყვარეობით საამქრომ უზრუნველყო ხარისხიანი პროდუქციის გამოშვება. ბატონ რეზოს ყველაფერი გათვლილი ჰქონდა ხარისხზე და მარალ ტექნოლოგიებზე.

სენაკის ნაყინი გაცდა რაიონის ფარგლებს და გაიზარდა მოთხოვნა ამ პროდუქტზე.

დღეს სენაკის ნაყინი კონკურენტუნარიანი პროდუქციაა მთელი ქვეყნის მასშტაბით. მამის დაწყებულ საქმეს აგრძელებს დავით გარუჩავა.

საწარმოს დირექტორი კარგი ორგანიზატორი და მენეჯერია.

15 ივლისს ჩატარდა სენაკის ნაყინის 50 წლისადმი მიძღვნილი გასართობი ღონისძიება.

ღია, ფერადი აქსესუარებით დამშვენებული ავტობუსებიდან ანიმატორებმა და მულტიგომების გმირებმა საინტერესო სანახაობა შესთავაზეს ბავშვებს.

სალამოს მოსწავლე-ახალგაზრდობის პარკში გაიმართა სენაკის ნაყინის 50-ე წლისთავისადმი მიძღვნილი გასართობი ღონისძიება, რომელშიც მონაწილეობდნენ ჯგუფი „21-ე საუკუნე, ნიკოლ-შოუ. ღონისძიება მიჰყავდა იოანე ქართველს

ვულოცავთ სენაკის ნაყინის დამფუძნებლებს 50 წლის იუბილეს, ვუსურვებთ უფრო და უფრო მაღალი ხარისხის პროდუქციის გამოშვებას.

მ. აჯიბია



საქართველოს კულტურისა და ხელოვნების კავშირის „არტ ფოლკის“ გადაწყვეტილებით კულტურისა და ხელოვნების პოპულარიზაციისა და მისი განვითარების საქმეში შეტანილი წვლილისთვის მწერალს, ჟურნალისტს, რეგიონალური გაზეთის „თავისუფლების მრწამსით“ და ჟურნალ „ჯი ემ სთარის“ რედაქტორს, საქართველოს ჟურნალის-

მ ი ლ ო ს ე ე

ტთა და შემოქმედებითი კავშირის და მწერალთა კავშირს წევრს ლანდა მასხულისა მიენიჭა „ხელოვნების ალმადარის“ წოდება. ჯილდო 3 ივნისს თავის დაბადების დღესთან გადაეცა კულტურისა და ხელოვნების განვითარების კავშირისგან.

ვულოცავთ მას ამ საპატიო ჯილდოს. ვუსურვებთ წარმატებულ ჟურნალისტურ და შემოქმედებით საქმიანობას, დღეგრძელობას და კვლავაც მებრძოლი სულისკვეთებით სვლას ცხოვრების გზაზე.

ბაზათი „კოლხეთის“ რედაქცია



„ჩემი ხნისა მოიყარეთ“

დამსახურებული პედაგოგი, სენაკის საპატიო მოქალაქე ქალბატონი თათუშა ბასილაია-ჭავჭავაძე ჩვენი გაზეთის ერთგული მკითხველი და საპატიო რეპონდენტი. ასაკის მიუხედავად აქტიურ ცხოვრებას ეწევა: კითხულობს, წერს, ფლობს კომპიუტერული ტექნიკას. ქალბატონ თათუშას მოგონებები, ლექსები, ჩანახატები. მისი განვლილი ცხოვრების ერთგვარი შეფასებაა. ქალბატონი თათუშა გზას ულოცავს ახალგაზრდებს, შათამომავლებს. „ჩემი ხნისა მოიყარეთ“ – ამ სიტყვებით მიმართავს იგი ახალგაზრდებს.

ვაშლის ხე

ჩემს ეზოში აღმართული ვაშლის ხე რამდენიმე ათეულ წელს ითვლის, არაერთ თაობას ჩემი შვილებისა და შვილიშვილების ჩათვლით ჩაუტკბარუნებია პირი მისი ნაყოფით.

ჩემთვის იცით რა არის ვაშლის ხე?

ჩემი ცხოვრების თანამგზავრი

როცა ჭიშკართან ვდგავარ შევყურებ ჩემს პატარა ლამაზ ეზოს რომელსაც შემოდგომაზე გარშემო ნარინჯისფერი მანდარინისა და ლიმონის ხეები აკრავს შემდეგ მზერა ვაშლის ხეზე გადამაქვს. ერთ დროს ქოლგასავით გაშლილი მაისის ვაშლები ნითლად დახუნძლული დაპატარავებულა, დაჩივებულა.

ტოტებდაბერებული, გადაღუნული-გადმოღუნული, ზოგან ხავსმოკიდებული ნალვლიანად დგას, კანი დახეთქილი აქვს. გეგონება აი, ამ ადგილას ნაკადულს ჩაუვლია, აი იმ ადგილას კი თითქოს ტბა ყოფილა, იქ კი თითქოს დედაბერს დაუღია უკბილო პირი...

2020 წლის შუა რიცხვებში დავაკვირდი ჩემს ვაშლის ხეს და რას ვხედავ, თითქოს გაახალგაზრდავებულა ხასხასა ფოთლებით დ აუფარავს გადაბრეცილი და ზოგან ხავსმოკიდებული ტოტები, რომლებიც ერთგვარად სასიამოვნო ერთობას ქმნიან. მაგრამ ტანი? მის დახეთქილ ტანს რა დამალავს, თუმცა მეჩვენება რომ მეჯობრება „მე ხანდახან ვცდილობ გაახალგაზრდავებას, შენ კი ვერაო“

ნალვლიანად გავეყურებ ცის ტატნობს, მზერა ისევ ვაშლის ხეზე ეგრენოდებულ „მაისკაია როზაზე“ გადამაქვს. ჩემს მზერას კვლავ მინისფერი და ხავსმოკიდებული ტოტები ხვდება.

ყველაფერი ეს მე ვიცი, რასაც ნიშნავს -- ორივე მე და შენ ერთი სენით ვართ დაავადებული – უკურნებელი სენით.... სიბერით.

მოგონებები

ძალიან მიყვარდა და დღესაც მიყვარს სექტემბრის თვე. არდადეგების შემდეგ მას მოველოდი როგორც ახალი წლის გათენებას, რადგან ვბრუნდებოდი ჩემს მეორე ოჯახს-სკოლას, სადაც მელოდა სიცოცხლით სავსე ასეულობით თვალახატულა გოგო-ბიჭი, რომლებთანაც ურთიერთობაში მაინყებოდა სხვა ყოფილი პრობლემები, და მხოლოდ მათ ვეკუთვნოდი.

ასევე გავატარე ჩემი სიცოცხლის 60 წელი. დრომ თავისი ქნა, პენსიაზე გასვლის შემდეგ მეტად დავფიქრდი წარსულზე. სევდიანია წარსულის მოგონებები, მაგრამ ჩემს ოჯახთან ერთად სიცოცხლეს მმატებენ ჩემი კარგი ნამონაფეები, რომლებიც სიყვარულით მხვდებიან და მეფერებიან.

გავიდა წლები. ჩემი ყოველი მოსწავლეები ადგილობრივ ხელისუფლებაში მოვიდნენ. ჩემი პირადი არქივით და ცხოვრების დეტალებით დაინტერესდნენ. არაერთი სიგელი და მადლობა მაქვს მიღებული წარმატებული პედაგოგიური საქმიანობისთვის, მათ შორის განათლების სამინისტროს მადლობა განათლების მინისტრის ხელმოწერით.

განსაკუთრებული მადლიერება მინდა გამოვხატო ჩემი ყოველი მოსწავლის ირმა კუპრეიშვილისადმი. მისი

და სხვა ნამონაფრების რეკომენდაციით წარმადგინეს სენაკის საპატიო მოქალაქეობაზე.

სენაკის მუნიციპალიტეტის ახალგაზრდა მერმა ლევან კუპრეიშვილმა დამაფასა და სხვა ღირსეულ ადამიანებთან ერთად სენაკის საპატიო მოქალაქის წოდება მომანიჭა.

2020 წლის 5 ოქტომბერს გადმოცა ეს ჯილდო, რომელმაც ძალიან გამახარა. მადლობა ყველა თანამშრომელს, ვინც ჩემი სიხარული გაიზიარა. მადლობა ყველას, ჩემს შვილებს, შვილიშვილებს, ახლობლებს, ნათესავებს, მეგობრებს და ვინც მახარებს და მიღამაზებს ცხოვრებას.

93 წელი საკმაოდ დიდი ასაკია, ყველას გისურვებთ დაფასებულ სიბერეს, დღეგრძელობას, „ჩემი ხნისა და მოიყარეთ“ ძვირფასო ადამიანებო.

ბოლოს მინდა... კიდევ ერთხელ მოვიგონო სკოლაში მოღვაწეობის პერიოდი. პატარა ლექსში გადმოვცე ის ემოციები, რომელსაც განვიცდიდი საკლასო ოთახში შესვლისას:

ხელში ჟურნალი ავიღე,
ფრთხილად შევედი კლასში,
ფეხზე ადგომით დამიხვდა
აუ, რამდენი ბავშვი
აუ, რამდენი სიცოცხლე
რამდენი წყვილი თვალი
მეც ვცდილობ, რომ მოვიხადო
მათ წინ პირნათლად ვალი
ჩემი ბუდიდან აფრინდა,
აუ, რამდენი ბავშვი,
რამდენი დედის სიცოცხლე,
რამდენი მამის დარდი
მე წლებმა ჩამომათოვა,

ჭალარა გაჩნდა თმაში
ქუჩაში მხვდება ღიმილით
ჩემი გაზრდილი „ბავშვი“
აუ, რამდენი „ბავშვი“

ფესვები

ჩვენ ფესვი ვართ, თქვენ კი ფესვზე ამოსული ტანი
ტოტებშია თქვენი შვილი თქვენს ტანზედა წამოზრდილი,
ფოთლები კი ჩვენთვის არის სანატრელი შვილთა შვილნი.
დედამინა არის ჩვენი დიდი დედა ძუძუმტე და ნივთიერი ღმერთო შენით ჩვენ ვარსებობთ შენით გვიდგას სული,
შენ მოგვხედე დაგვეხმარე არ გაჩერდეს გული;
ასე ამბობს ადამი და უდასტურებს ევა მათ წარმოქმნილ შთამომავალთ გვმართებს დიდი ძლევა გავასწოროთ შეცდომები და შევიძლოთ შეველა,
დაუფიქრდეთ, არ ავჩქარდეთ, წინ წავიდეთ ნელა საქმემ მხოლოდ საქმე იცის, არ გვიშველის ენა.
მოყვასთ ლალატს, მოტყუებას, მოაქვს დიდი წყენა კარგი საქმის კეთებაში ხელს შეგიწყობთ ზენა ერთად ვიყოთ, ერთი სულით დავირაზმოთ ყველა.

თბილისი
1992 წელი

ჯემალ ცაავა

არიან ადამიანები, რომელთაც ამაყად, თავანულოდ შეუძლიათ სიარული მშობლიური ქალაქის ქუჩებში. სწორედ ასეთი გახლდათ ბატონი ჯემალი, კაცი რომელიც ყველგან კაცობით და მეცნიერული შემოქმედებითაა ცნობილი.

დაიბადა 1939 წელს ქ.სენაკში, მოსამსახურის ოჯახში. დაამთავრა I საშუალო სკოლა. სკოლის დამთავრების შემდეგ სწავლა განაგრძო თბილისის ივ. ჯავახიშვილის სახ. სახელმწიფო უნივერსიტეტში, ფიზიკის ფაკულტეტზე, სადაც 1965 წლიდან 2007 წლამდე იმუშავა. 1979 წელს დაიცვა საკანდიდატო დისერტაცია. წლების განმავლობაში განაგრძობდა თსუ-ში ექსპერიმენტალური ფიზიკის კათედრას. გამოქვეყნებული აქვს 50-ზე მეტი სამეცნიერო ნაშრომი. 2004 წელს გახლდა ფიზიკა-მათემატიკის მეცნიერებათა დოქტორი. მის სახელთანაა დაკავშირებული თერმულ-მექანიკური ეფექტის აღმოჩენა; სპეციფიკური

კვანტური მოვლენების ექსპერიმენტული გამოკვლევების ახალი მიმართულების შექმნა, დრეკადი ტალღის გავრცელების კანონი.

ჯ. ცაავა მონაწილეა მრავალი სამეცნიერო კონფერენციის მოსკოვში, ლენინგრადში, ხარკოვში, თბილისში. მისი კვლევის ძირითადი საკითხები არა მარტო საბჭოთა, არამედ უცხოელ მეცნიერთა ყურადღების ცენტრში მოხვდა. მისი შრომები გამოქვეყნდა აშშ. სადაც დიდ გამოხმაურებას პოულობს და ინვევენ მრავალ საკავშირო და საერთაშორისო კონფერენციებში. ასევე მონაწილეობს პოლონეთში(ვარშავაში), დაბალი ტემპერატურების ფიზიკაში საერთაშორისო კონფერენციაზე. მის მიერ დასაბუთებულ-ორკომპონენტის მოდელში ჩადებული იდეები დღეს

ბირთულ ფიზიკაში გამოიყენება და ანალოგი არ მოეპოვება. ეს კი მის ავტორს ფიზიკის მკვლევართა შორის საპატიო ადგილს უმკვიდრებს.

1994-2007 წლებში ჯემალ ცაავა სენაკის ჰუმანიტარულ-ეკონომიკური ინსტიტუტის (სჰეი) რექტორია. ბატონი ჯემალი ახალგაზრდების შესანიშნავი აღმზრდელი და მეგობარი იყო, ამ პერიოდში აღნიშნული ინსტიტუტი დაამთავრა 1400 სტუდენტმა, რომლებიც დღეს განაგრძობენ

სსოპნა

მოღვაწეობას სხვადასხვა სფეროში. მასთან საუბარი ყოველთვის ახლით ამდიდრებდა ადამიანებს, იყო ჰუმანური. 1996 წელს აირჩიეს ეგრისის სამეცნიერო აკადემიის აკადემიკოსად. განათლების სფეროში შეტანილი დიდი წვლილისთვის დაჯილდოვებული იყო იაკობ გოგებაშვილის მედლით. არჩეული იყო სენაკის საპატიო მოქალაქედ.

სენაკის ჰუმანიტარულ-ეკონომიკური ინსტიტუტის ყოფილი თანამშრომელია

გაზეთ „კოლხეთის“ თანამშრომლები თანაუგრძნობენ დოღო სერგიას ძმის **ბაღრი სერგიას** გარდაცვალების გამო.
სენაკის საინფორმაციო ცენტრის თანამშრომლები თანაუგრძნობენ თამილა სორდიას მეუღლის **კაპიტონ მამულის** გარდაცვალების გამო.

სარედაქციო ადგილი მთავარი რედაქტორი ნინო სარტანი რედაქტორი მელა ბალაშვილი კორექტორები: მანა ბარბაქაძე, მარინა მიქაბერიძე ეკონომიკური სამსახურის სპეციალისტი ჭალია ჩაჩიანი	რედაქციის მისამართი: სენაკი, ჯავახიძის ქ. №103, ტელ: 276150 რედაქცია ხელმძღვანელობს თაბუკიშვილი ზორბის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს. ინტელის 66529	რეგისტრირებულია სენაკის სასამართლოში რეგისტრაციის №56/7-17 გაზეთი აკრედიტებულია აიფეო, დაახლოვდა და ოფიციალური წესით დაიბეჭდა შპს „ბოლი 25“ ქ. ქუთაისი, ილია ჯავახიძის გამზ. 33 ტელ: 223779,223711, 223499
---	--	---